



МЕСЯЦА МАЯ В 21-й ДЕНЬ

Срѣтение чудотворныя иконы Пресвятѣя

Богородицы, яже нарицается «Владимирская»

ВѢЧЕР

Блажен муж: **На Господи, возвах: стихиры на 8, глас 4.**

Подобен: Яко дбля:

Ако светоносная палата / и одр всезлатый, Богородице Владычице: / Ты бо Слово Божие / во Твоих ложеснах вместила еси, / и, рождши нам Солнце незаходимое, / Свет невечерний, / наша прежде неразумием омраченная сердца / благоразумием осветила еси, / и лести тьму разорила еси.

Твоим Рождеством адова крепость разорися, / и все человечество спасено бысть, / ныне же Твоими молитвами / врагов наших шатание низложит, / и крепость их сокрушит, / и людем Твоим победы на враги даруй, / да посрамятся вси, / являющие рабом Твоим злая.

Богородице Владычице, / державная Помощнице, / укрепй славящую Тя страну на враги, / да якоже древле спасла еси Царский град от нахождения поганых, / тако и ныне спасй страну Российскую от нахождения вражия, / от междоусобных рати, / от глады же и труса, / Дево Неискусобрачная. / Сего ради Тя славит страна Российская, / человеком Помощницу.

Ныне страна Россійская/ о Тебѣ хвалится и веселится, / имѣючи Тя Заступницу непостыдную / и стѣну нерушиму, / граду нашему непоколебимое основаніе, / стража неусыпна земли Россійския. / Не престаѣй ныне Твоими, Господжѣ, молитвами / избавляти Твой град и люди от всех бед.

Тебе припадают, Господжѣ, / святителей сословіе и соборы, / совокупленіе всех, / монаси и простіи / и весь народ, умильно молящеся, / Тебѣ ныне кланяющеся, / и любѣзно целующе Твой образ, / и, молящеся, глаголют: / чтущий Тя град всегда спасаѣй от всех бед.

Ины стихиры, глас 8.

Подобен: О, преславнаго чудесе:

О, преславнаго чудесе! / Иже не вмѣстимый небесы, / и Ангелы славимый, / и от Серафимов поемый, / на землю сошед, в Твою утробу вмѣстися / и ключа дѣвства не разруши, / наше естество, древле от діавола мучимо, изъят / и весь род человеческий свободи, / Тебѣ же, Госпоже, Заступницу нам дарова. / Тем не престаѣй сохраняти / и спасати души наша, яко Милосерда.

О, преславнаго чудесе! / Се заступленіе прииде, / сопротивленіе низложися, / град наш спаси, / враги наша проженіи / и нас, рабов Твоих, Твоею милостию, возвесели. / О Божія Слова селеніе! / Род человеческий, чтущий Тя, / всегда спасаѣй от всех бед.

Подáждь утешеніе Твоим рабѣм, Чистая, / напастьми одержимым, / и рог верных вознеси, / Богородительнице Маріе, / спаси молитвами Твоими град Твой неразрушим, / и варварская шатанія низложит, / и нас, рабов Твоих, Безневѣстная, / хвѣлящих Тя, спаси.

Слава, и ныне, глас 8:

Приидите, россиястии соборы, / приидите, верных совокупленія, / в срѣтеніе Царіцы Богоотроковицы: / се бо грядет Царіца Своим образом честным, / спасти град и люди, от сопостатных поган невоеваны. / О, чудо велие и преславное / и пребольши ума! / Како пришествіем честнаго Ея

образа сопротивнии побеждаются / и отечество наше утверждается? / Нощь упразднися, и день приближися. / Егоче ради Тебе, вину спасения нашего, естество наше приемлет / и вся тварь воспевает, Ти зовущи: / радуйся, Предстательнице, и Помощнице, / и спасение душ наших.

Вход, прокíмен дне. Чтénия три.

Бытия чтéние (глава 28):

Избиде Иаков от студенца клятвеннаго и иде в Харрань. / И обрете место, и спа тамо, / зайде бо солнце; / и взят от камня места того, / и положи возгавие себе, / и спа на месте оном, и сон виде. / И се лэствица, утверждена на земли, / еяже глава дозязаше до небес, / и Ангели Божии восхождаху и низхождаху по ней. / Господь же утверждашеся на ней и рече: / Аз Бог Авраамов, отца твоего, и Бог Исааков, не бойся. / Земля, идеже ты спиши на ней, / тебе дам ю и семени твоему. / И будет семя твоё, яко песок земный, / и распространится на море, и Ливу, и север, и на востоки, / и возблагословятся о тебе вся колена земная и о семени твоём. / И се Аз с тобою, сохраняяй ты на всяком пути, аможе аще пойдеш. / И возвращу ты в землю сию, яко не имам тебе оставити, / дондеже сотвориши Ми вся, елика глаголах тебе. / И воста Иаков от сна своего и рече: / яко есть Господь на месте сем, аз же не ведех. / И убояся, и рече: / яко страшно место сие, / несть сие, но дом Божий, / и сия врата Небесная.

Прорóчества Иезекиíлева чтéние

(главы 43 и 44):

Тако глаголет Господь: / будет от дне осмаго и прочее, / сотворят иереи на олтари всесожжения вашего / и яже спасения вашего, / и приму вы, глаголет Адонай Господь. / И обрати мя на путь врат святых внешних, зрящих на востоки, и сия бяху затворена. / И рече Господь ко мне: / врата сия затворена будут и не отверзутся, / и никтоже пройдет сквозе их, / яко Господь, Бог Израилев, пройдет ими, и будут затворена. / Яко игумен сядет в них снести хлеб, / по пути еламских врат внидет

и по пути его изыдет./ И введе мя по пути врат святых, сущих к северу, прямо храму,/ и видех, и се исполнь славы храм Господень.

Притчей чтение (глава 9):

Премудрость созда себе дом и утверди столпов семь./ Закла своя жертвенная, и раствори в чаши своей вино,/ и уготова свою трапезу./ Посла своя рабы, созываючи с высоким проповеданием на чашу, глаголющи:/ иже есть безумен, да уклонится ко мне./ И требующим ума рече:/ приидите, ядите мой хлеб и пейте вино, еже растворих вам./ Оставете безумие, и живи будете./ И възшците разума, да поживете/ и исправите разум в ведении./ Наказуяй злыя примет себе безчестие,/ обличаяй же нечестиваго опорочит себе,/ обличение бо нечестивому — раны ему./ Не обличай злых, да не возненавидят тебе,/ обличай премудра, и возлюбит тя./ Дажь премудрому вино, и премудрший будет./ Сказуй праведному, и приложит приимати./ Начало премудрости — страх Господень,/ и совет святых — разум./ Разумети бо закон помысла есть благаго:/ сим бо образом многое поживеши время,/ и приложатся тебе лета живота.

На литии стихиры, глас 2. Самогласны:

Яко войстинну древняго кивота пречестнее,/ егда Давид, собрав чины, ликовствоваше,/ ныне Твоя, Богородице, икона,/ ейже предстоят архиереев собори,/ и с чинми Ангел,/ и все христоименитых людей множество/ достойно блажат Тя, Матерь Божию,/ и прославляют раболепно,/ и чествуют, и поклоняются,/ и молятся Тебе по Бозе:/ да мир умириши в православии,/ и отечество утвердиши,/ и спасеши от всех зол Твоя рабы,/ яко едина Благословенная.

Предстоят Ти, Господже Богородице,/ пред Твоим, Пречистая, образом,/ архиереев сословие и вси людие,/ монаси и прости,/ ведуще Тя войстинну Помощницу сильну и непобедиму,/ моления Тебе приносят от всея души подвизают/ и поущают на молитву к Богу,/ требующе Твоея помощи,/ да простреша богоносныя Твоя руки/ и

умо́лиши за мир. / Вонми́ и услы́ши, Влады́чице, / и пода́ждь утеш́ение рабо́м Твои́м, / донде́же не одоле́ют ны грехи́ на́ша тѣжкия и лю́тыя: / Твоей бо всегда́ тре́буем вси по́мощи.

Глас 8: Пѣрвое написавшейся Твое́й ико́не / евангелских та́ин благовѣстником / и к Тебе́, Цари́це, принесѣнной, / да усво́иши Ту / и си́льну соде́лаеши спасти́ чествующия Тя. / И пора́довалася еси́, я́ко сущи Милостива, / спасѣния на́шего Содѣтельница, / я́ко уста́ и глас ико́не бѣвше, / я́коже и Бо́га внегда́ зачина́ющи во чре́ве, / песнь воспѣла еси́: / се отны́не ублажа́т Мя вси ро́ди. / И, на ту зря́щи, глаго́лала еси́ со вла́стною: / с сим о́бразом благода́ть Моя́ и си́ла, / И мы и́стинно ве́руем, я́ко се рекла́ еси́, Госпоже́: / сим о́бразом с нами́ еси́. / Тем благоговѣ́нно предсто́яще, покланя́емся Тебе́, раби́ Твои́: / посети́ ны Твои́ми Ма́терними щедро́тами.

Глас 7: Горá еси́ вели́кая и пресла́вная, / па́че горы́ Сина́йския, Богоро́дице. / Она́ бо, не терпя́ше снѣтїя сла́вы Бо́жия, во о́бразех и се́нех, / огнемъ возгара́шеся, / и гро́ми и мо́лнии та́мо бѣша. / Ты же, весь Божѣственный огонь сущ, / Бо́жие Сло́во во чре́ве Твоѣм неопáльно носила́ еси́ / и от сосѣц Твои́х млеко́м пита́ла еси́ ма́нием Нося́щаго вся. / И Ма́тернее дерзнове́ние к Немú имúщи, / помози́, Влады́чице, ве́рно пра́зднующим Твои́м честны́м пра́здник / и не забуди́, милостивно посеща́ющи, / прия́ла бо еси́ от Бо́га дар / стро́ити и покрывáти христоименитое ста́до, раби́ Твоя́.

Сла́ва, и ны́не, глас 6:

Тебе́ вси ро́ди челове́чести / хва́льные да́ры прино́сят, Влады́чице, / и мо́лятся я́ко Цари́це и Ма́тери Бо́жии, / проро́цы Тя премúдро проповѣда́ша, / левíti благослови́ша, / апóстоли и мученицы исповѣда́ша, / вся сослóвия покланя́ются, / архиере́е проповѣда́ют, / мона́си и прости́и благоговѣ́ют, / богáтии и убóзии, сироты́ и вдовы́, / и всяк вóзраст, и вся́ко преспѣя́ние, / ста́рческое и младе́нческое, / под кров Твои́ державны́ с ве́рою прибега́ем: / покрый и соблюди́, Госпоже́, моли́твами Твои́ми / и спаси́ от бед ду́ши на́ша.

На стихóвне стихи́ры, глас 8.

Подóбен: Чтó вас наречём:

Чтó Тя наречём, Богорóдице Влады́чице? / Кóрень ли Иессе́ев? / От Тебе́ бо нам Христос, яко цвет, изы́де. / Мánну ли, вёрных сердца́ усажда́ющую Твои́м Рожде́ством? / Руно́ Гедео́ново? / На Тя бо Христос, яко роса́, сни́де / и Тя Засту́пницу нам показá. / Егóже моли́ спасти́ ду́ши нáша.

Стих: Слы́ши, Дщи, и виждь, / и приклони́ у́хо Твое́.

Да вси похва́лим, вёрнии, / таково́ нам заступле́ние да́вшую непосты́дное, / и непребори́мое на враги́ одоле́ние победное, / и нам всем спасе́ние, / и граду́ нáшему стéну и покрóв, / и основáние непоколеби́мое, / и отечеству́ нáшему на сопоста́ты посóбие, / и непобеди́мую победу́.

Стих: Кля́тсЯ Господь Дави́ду и́стиною / и не отвёржeтсЯ ея́.

Досто́йно Тя блажи́т челове́ческий род, Чы́стая, / яко спаса́еши чту́щая Тя от всех бед. / Ты бо, Госпоже́ Де́во Чы́стая, / Засту́пница непосты́дная Твои́м рабо́м показáлася еси́ / и Моли́твенница тепла́ к Бо́гу / от находя́щих скорбе́й. / Тобо́ю ва́рварская шата́ния разруша́ются / и стрéлы вра́жия упраждн́ются, / и, раби́ Твой, от одержáщих бед избáвльшесЯ, / Тя, Богома́ти, пёсньми ублажа́ем.

Сла́ва, и ны́не, глас то́йже. Самогласен:

Да ра́дуютсЯ россия́стии собо́ри, / да ликовству́ет естество́, / яко Твоего́, Чы́стая, честна́го о́браза пришё́ствием / град наш спаса́ется, / раби́ Твой, от одержáщих нúжды избáвльшесЯ, / Тебе́, Чы́стая, взывáют: / ра́дуйсЯ, до́брых ви́новная, / и Засту́пнице непосты́дная, / и спасе́ние душ нáших.

Тропа́рь, глас 4:

Днесь свéтло красу́ется сла́внейший град Москва́, / яко зарю́ со́лнечную, восприёмши, Влады́чице, чудотво́рную Твою́ ико́ну, / к нейже ны́не мы притека́юще и моля́щесЯ Тебе́, взывáем си́це: / о пречу́дная Влады́чице Богорóдице! / Моли́сЯ из Тебе́ воплощё́нному Христу́ Бо́гу нáшему, /

да избáвит град сей и вся гра́ды и страны христиáнския невредíмы от всех навет вра́жиих / и спасёт ду́ши на́ша, я́ко Милосе́рд.

НА УТРЕНИ

По 1-й стихоло́гии седа́лен, глас 4.

Подóбен: Удивíся Ио́сиф:

Божественными заря́ми просвети́ пою́щая Тя и умы́ утверди́, Непоро́чная Де́во, / крѣпкая Засту́пнице ми́ра всегó. / Те́мже торжеству́ем вси, любóвию пою́ще Тя и пришѣствие Твоегó о́браза сла́вяще: / не престáй, Де́во, моли́твами Твоими спаса́ющи рабы́ Твоя́ от вся́кия бе́ды, / еди́на Благословѣ́нная.

Сла́ва, и ны́не, Богоро́дичен:

Невѣсто Неискусобра́чная, премудрости се́ло показáся утроба Твоя́ Бо́га Сло́ва: / Ты бо еди́на, Ма́ти Бо́жия, благíх Ходáтаица явívшися, / вся́ких страстѣй избáви рабы́ Твоя́, непрестáнно воспева́ющая сла́ву Твою́.

По 2-й стихоло́гии седа́лен, глас 3.

Подóбен: Красотѣ дѣвства:

Я́ко звезда́ многосвѣтлая, взы́де от восто́ка к запа́ду Тво́й о́браз, Богома́ти, / озари́ скóрби тьмо́ю одержи́мых, и прещѣния враг избáви, / и, вся тех се́ти разруши́в, яв́ися Предста́тельница крѣпкая, / ору́жие непобеди́мое на враги́ ми́ру все́му: / из Тебе́ бо всех Влады́ка плоть при́им, вся челове́ки обожí.

Сла́ва, и ны́не, то́йже.

По полиелѣи припѣв:

Досто́йно есть велича́ти Тя, Богоро́дице, / честнѣйшую Херув́им / и сла́внейшую без сравнѣния Сераф́им.

Псалом избранный: Бо́же, суд Тво́й царе́ви даждь:

Та́же седа́лен, глас 1:

Блаже́нна еси́ Ты, Богоро́дице Чíстая, вели́чества Тво́я кто́ воспѣти мо́жет? / Ё́же чу́до стра́шно и чу́до ве́лие соде́явши, / Твоими моли́твами, Богома́ти, чту́щий Тя град всегда́ свобожда́ется от

всех бед, / тьмы и мечá, погáных пленéния и всякаго гнéва. / Тёмже мы, зряще честное́ образа Твоего́ прише́ствие, / хва́лим, я́ко Цари́цу воспева́юще, ве́рнии, / словесы́ Тя, Чы́стая, блажа́ще, глаго́лем: / Богоро́дице Чы́стая, моли́ воплощённаго из Тебе́ спастися душáм нáшим.

Сла́ва, и ны́не, то́йже.

Степéнна, 1-й антифон, 4-го гласа. Прокíмен: Помяну́ я́мя Твое́ / во вся́ком ро́де и ро́де. **Стих:** Слы́ши, Дщи, и виждь, и приклони́ у́хо Твое́. **Всякое дыха́ние: Ева́нгелие от Луки́, зача́ло 4.**

По 50-м псалме́ стихи́ра, глас 2:

Гото́вися, всечестный́ гра́де Москва́, / на сре́тение Дéвы Богома́тере: / се бо грядёт к тебе́ / свётлое вели́кое со́лнце от врат затворённых. / Тьма у́бо ско́рби твоея́ отгоня́ется, / свет же твоего́ весéлия исполня́ется, / бу́ря сопроти́вных ве́тров устáвля́ется, / му́жие и священни́цы в печа́лех сла́дкое утешéние приéмлют, / Цари́це еди́ной поклоня́ются, / моля́щися, глаго́лют: / Пречи́стая Дéво, / мольба́ми Твоими́ изба́ви рабы́ Твоя́ / от вся́кия бе́ды и печа́ли.

Кано́н Богоро́дицы, глас 4.

Песнь 1

Ирмо́с: Отве́рзу уста́ моя́, / и напо́лнятся Ду́ха, / и сло́во отры́гну Цари́це Ма́тери, / и явлю́ся, свётло торжеству́я, / и воспою́, ра́дуясь, То́я чудеса́.

Просвети́, Влады́чице, ду́ши на́ша зарéю Божéственною, па́че ума́ благодáтию Твое́ю, / и незави́стный дар пода́ждь ми воспéти Тя, / я́ко Помо́щницу челове́ческому существу́, Препéтая, / ве́рное заступлéние, на враги́ побéду отéчеству нáшему.

Приидите́, соберите́ся, россия́стии собо́ри, / в пречестный́ храм Всенепоро́чныя Влады́чицы / и возопи́йте, умильно моля́щися, к честному́ образу взира́юще: / Богоро́дице Безневéстная, хва́лящая Тя спаси́.

Твой, Богома́ти, всечестный́ о́браз / Богогласный́ Ева́нгелия Христо́ва списáтель, пребоже́-

ственный Лука́, написав, / Творца́ всех на Твои́х
честны́х рукахъ вообрази́, / к нему́же притека́ющия
напа́сти и печа́ли избавляеши / и вся покрыва́еши
Твоею́ ми́лостію.

Храмъ прекра́сный, Содетель всехъ еди́ну Тя
обрет, / в Тя всели́ся и челове́ки обожі. / К Нему́же
за ны, Богородице, моли́ся, / спасти́ ны от погáных
плене́ния и вся́кия ины́я ско́рби, находя́щая на
ны, / да Твоего́ днесъ о́браза срéтение всечестно
пра́зднуем.

Песнь 3

Ирмос: Твоя́ песносло́вцы, Богородице, / Живы́й
и Незави́стный Исто́чнице, / ликъ Себе́ совоку́пль-
шия, духо́вно утверди́, / в Божественней Твое́й
сла́ве / венце́в сла́вы сподо́би.

Все помышле́ние отве́ргше, Богому́дрии, при-
идіте в срéтение прекра́сныхъ зарі, / держа́щая
пресвётлую лучу́, вся просвеща́ющую / и ми́ло-
стию весь мир обогáщую.

Твою́, Богома́ти, всечестную́ и чудотво́рную
ико́ну росси́йстии лю́ди стяжавше, / я́ко заступле́-
ние крѣпко и стѣну неруши́му, / мо́лятся Ти, на
враги́ побѣду дарова́ти оте́честву на́шему.

Обла́к светоза́рный показáся, / росію́ благода́ти
вся омыва́ющи телесны́я скве́рны / и ду́ши просве-
ща́ющи, еди́на Всепета́я.

Дре́во многопло́дно яви́лася еси́, пи́щею неги́б-
лющею́ вся насыща́ющи, / ду́ши же веселя́щи,
Богоневѣсто Чистая, / добродей́ния всемъ исто́чи / и
от скорбе́й ну́жныхъ спаси́.

Ин конда́к, глас 8

Подобен: Взбранной:

К Взбранней Воево́де и Засту́пнице, Де́ве и
Богородице, / в чи́стей со́вести, ве́рою утвер-
дивше́ся, ру́sstии наро́ди, / невозврати́ наде́жду
иму́ще, притеце́м, / к чудотво́рному Ея́ и пречи́сто-
му о́бразу, и возопие́м Ей: / ра́дуйся, Невѣсто
Неневѣстная.

Седáлен, глас 4

Подобен: Удивися Иосиф:

Наро́ди боголю́бви, приидіте в срéтение: / се
бо прихóдит Де́ва, всехъ проро́ков превѣ́вши, /

честным Своим образом, Жизнодателя миру на руках имеючи, / град Свой сохранять страждущий, варварскую дерзость низложити, / вообразитися всем Хранительница тверда, / держава и ограждение верно молящимся.

Слава, и ныне, тойже.

Песнь 4

Ирмос: *Неизследный Божий совет, / еже от Девы воплощения Тебе, Вышняго, / пророк Аввакум усмотряя, зовяше: / слава силе Твоей, Господи.*

Гору превелию, юже Даниил виде, от неяже камень отсечеса без руки / и вся соблазны истни, верныя же просвети, / истинное светозарное солнце показа, лучами просвещаючи, Богородице Приснодево.

Вооружаются на люди Твоя, Чистая Богородице, сынове Агарины, / злый совет творяще, грады разоряюще, верныя же погубляюще, / но Ты, Всепетая, Твоею милостию вся низложи, / исмаильтаны враги покаряючи отечеству нашему.

Небо одушевлено, едина Богомати, Свет велий приемши, / вся просвещаючи, тьму держащих бед разжени / и нас Вышняго причастия сподоби.

Давид пред кивотом ликовствует, левити же воспевают, / паче же пред Тобою, Богородительнице Чистая, / Россия хвалами яко Царицу воспевает, / гласы молебными прилежно Ти вопиючи: / радуйся, Заступнице града нашего.

Песнь 5

Ирмос: *Ужасошася всяческая / о Божественней славе Твоей: / Ты бо, Неискусобрачная Дево, / имела еси во утробе над всеми Бога / и родила еси Безлетнаго Сына, / всем воспевающим Тя / мир подавающая.*

Тебе, Богомати, великий во пророцех Исаия провиде Духом, / Угль имеюще во чреве, верныя просвещающ и соблазны вся пожигающ, / спасая род человек.

Жезл Ааронов прозябла еси / и злобный корень исторгнула еси, Дево Богоневестная, / Жизнодате-

ля рóждши мiру, / Егóже моли́ сему́ гра́ду спастис́я
от мно́гих напáстей.

Ны́не у́бо присту́пите с весéлием, Богоизбра́н-
ное ста́до, россия́стии собо́ри, / ко Всечестнóй
Бóжии Мáтери и честнýй Ея́ о́браз любéзно
приимите: / се бо благодáть неисчерпа́емая, во́ды
точáщи Божéственныя неоскúдно, / Ю́же, вёрнии,
почтiм и честнóму о́бразу Ея́ поклонiмся.

От кóрене Иессéева дрéво возрастé всем живóт-
ное, / Плод у́бо прозяблá еси́ во утробе Твоéй, Дéво
Чiстая, / вся лю́ди насыща́ющи Твоéю мiлостию.

Песнь 6

Ирмо́с: Божéственное си́е и всечестнóе / совер-
ша́юще пра́зднество, / Богомúдрии, Богомáтере, /
приидите, рука́ми восплéчим, / от Нея́ рóждшаго-
ся Бóга сла́вим.

От Тебé, Богомáти, истечé потóк сладкий, / вся
напая́я лю́ди, душ измывáя сквёрны, Богорóдице
Влады́чице, / спаси́ всех, поклоня́ющихся вёрно
честнóму о́бразу Твоему́.

Вси у́бо, совоку́пльшеся вку́пе, воспоём Чiстую
Дéву, / Богоизбра́нную лéствицу Иáковлю, Гедé-
оново же руно́, ра́дости Ходáтаицу, / крéпость и
похвалу́ спаса́емых, Богородiтельница́ Чiстую.

Се ны́не весéлие прибли́жается, / скорбь же
потребля́ется, вёрнии спаса́ются, / я́ко от исто́чни-
ка ра́дость почерпа́юще, вiну хвала́ми воспева́-
ют: / ра́дуйся, Чiстая Влады́чице, спасéния наше-
го нача́ток / и всех вёрных стена́ и похвала́.

По́даждь нам по́мощь мольба́ми Твои́ми, Пречи́-
стая Богорóдице, / скóрби у́бо находят на ны и
печáли умножа́ются, врази́ ополча́ются, / но Ты,
Пречи́стая, предста́вши, изба́ви, / враго́в на́ших
шатáние низложи́, на враги́ побéду да́руй, / да
посра́мятся вси, явля́ющи рабóм Твои́м злáя.

Конда́к, глас 8

Подóбен: Взбра́нной:

Взбра́нной Воево́де победiтельница́, / я́ко из-
бáвьшеся от злых пришéствием Твоего́ че-
стна́го о́бразá, / Влады́чице Богорóдице, / свéтло

сотворѣем прѣзднество срѣтениа Твоегѡ / и обыч-
но зовѣм Ти: / радуйся, Невѣсто Неневѣстная.

Икос:

Ангел Предстатель с Небесѣ послан бысть рещи
Богородице: радуйся, / и, со безплѣтным гласом
воплощаема Тя зря, Господи, ужасашеся, / и
стояше, зовѣй к Ней таковѣя: / радуйся, Еюже
радость возсияет; / радуйся, Еюже клятва исчез-
нет. / Радуйся, падшаго Адама воззвѣние; / раду-
йся, слез Евиных избавленіе. / Радуйся, высотѡ,
неудобовосходимаа человѣческими помысли; / ра-
дуйся, глубинѡ, неудобозримаа и ангельскими
очима. / Радуйся, яко еси Царѣво седалище; /
радуйся, яко носиши Носѣщаго вся. / Радуйся,
звездѡ, являющаа солнце; / радуйся, утробѡ Божѣ-
ственнаго воплощѣнія. / Радуйся, Еюже обновля-
ется тварь; / радуйся, Еюже поклоняемса Творцу. /
Радуйся, Невѣсто Неневѣстная.

Песнь 7

Ирмос: *Не послужиша твари Богомудрии / паче
Сздавшаго, / но, огненное прещѣние мужески
поправше, / радовахуся, поюще: / препѣтый отецъ
Господь и Бог, благословен еси.*

Яко порфирую и вѣссом, червлѣною хламидою,
Дѣво Богородице Владычице, / град Твой Тобою
одѣався, Христа величѣает / и пришѣствие честнаго
Твоего образа славит, / явльшася паче луч
солнечных / и немрачным свѣтом просвѣщающа
велегласно хвалящия Тя.

Скрижали, богописанныя перстом Духа, в яро-
сти Моисей сокруши; / но в Тебѣ, Чистая, преслав-
ный Творецъ вселився, невредну Тя сохрани. /
Емуже поем: / отецъ нашихъ Божѣ, благословен еси.

Приими Твоихъ рабъ мольбы, Пречистая Дѣво
Богородице, / непостоянную бурю утиши молитва-
ми Твоими / и совѣты противныхъ враговъ разженіи, /
нападающихъ на стадо Твое, Всенепорочная Вла-
дычице.

Тебѣ единому помощницу рѡду человѣческому,
Богородице Маріе, / Зиждитель всехъ рождествѡмъ
Своимъ назнамена и пророцы прообразиша: / ов Тя

дверь, ин же Тя лóжницу Бóжию;/ мы же Тя воспевáем Родительницу Бóжию, и Ходáтаицу к Бóгу,/ и Застúпницу от всех зол, находящих на ны.

Песнь 8

Ирмос: *Отроки благочестивыя в пещи/ Рождество Богородичо спасло есть,/ тогда úбо образуемое,/ ныне же действуемое,/ вселенную всю воздвизает пети Тебе:/ Гóспода пойте, дела,/ и превозносите Егó во вся вéки.*

Кáко Тя, Дéво, по достойнию воспоем?/ Пóмощь твёрдую, Хранительницу жízни нáшея/ и Ходáтаицу непрелóжну к Сýну Твоему и Бóгу нáшему,/ Егóже воспевáем и превозно́сим во вéки.

Цвёте прекрасный и воня пíщная, облагоухáеши, Богородице Марíе, вся,/ и спаса́еши, и от недúг исцеля́еши, бэсы прогоня́еши./ Тёмже Ти вопи́ем:/ раду́йся, Пóмощнице всем молящимся вёрным.

Столп явльшися, Богомáти, нахождéния протíвных отгоня́:/ Тя бо чтúщим сёрдцем тёплым явилася есí стена́, ограждéние,/ и спасительное прибéжище.

Давíдски воспевáем Ти песнь, гóру Бóжию Тя именúюще, Пречíстая Дéво:/ Истóчника бо сýщим приснотеку́щаго источíла есí./ Егóже по́ем и превозно́сим во вéки.

Песнь 9

Ирмос: *Всяк земнорóдный/ да възигра́ется, Дúхом просвещáемь,/ да торжествúет же Безплóтных умóв естество́,/ почита́ющее священное торжество́ Богомáтере,/ и да вопи́ет:/ раду́йся, Всеблаженная Богородице,/ Чíстая Приснодéво.*

Рáдости Ходáтаице, возвесели́ наш смысл вопíти Тебе́, Богородице Чíстая:/ раду́йся, Хранительнице нáша,/ держáво, и ограждéние, и спасительное прибéжище.

Да восхва́лят соглáсно Тя нéбо и земл́я,/ я́ко Жизнодáтеля мíру рóждши:/ раду́йся, тíхое пристáнище, живóтныя воды́ истóчнице неисчерпáемый, Влады́чице.

Собравшеся днесь, лю́дие, во срѣтение Пречи́стия Божия Матере, / Яже винограда мысленнаго грезн носящи, / вино́ источающъ всегда́ и веселія всех исполняющъ, / яко Богородицу по долгу сла́вим.

Божественная река́ вод живото́ных, вся удо́лия напо́яющи, / на́ша собла́зны, Богома́ти, погрузи́ и до конца́ потреби́.

Свети́лен.

Подобен: Посети́л ны:

Да почтѣтся днесь Богома́ти, Зиждителя ро́ждшая, / райскихъ дверей́ отверзѣние и всего́ міра очище́ние, / побѣду да́вшая хри́столюбиво́му во́инству, / о Сей бо проро́цы глаго́лаша, Той поклонѣ́мся.

Сла́ва, и ны́не:

Пресвѣтлая днесь ми́лостивная свѣтлость, / Божия́ благода́ть, вся ра́достно одождя́ет небесны́ми ту́чами, / на стези́ сладкия́ направля́ющи, Богороди́це Влады́чице, всех, / позна́вшихъ Тя земны́х, Присноде́во, / ны́не бо вся земля́ Росси́йская раду́ется, ве́рою Тя сла́влящи.

На хвали́техъ стихи́ры на 4, глас 4.

Подобен: Яко́ до́бля:

Наста́вницу Тя заблуждши́м / и приста́нище спаси́тельное / в пучи́не, Влады́чице, и в бу́ри, / и во искуше́ниях, и в печале́х / Хри́стосъ Тя всемъ показа́, / Сынъ Твойъ и Бог нашъ, / ве́рно приходи́щимъ к Тебе́. / Егоче́ моли́ от злыхъ бедъ изба́витися / ве́дущимъ Богороди́цу Тя вои́стинну.

Тле́ние потреби́ла еси́ / и болѣзнь, Всепѣ́тая, дре́внюю всю Рождество́мъ Твои́м: / Животъ бо ми́рови ро́ждши / и смерть разруши́вши, / болѣзнь, Блага́я, исцеля́еши / ве́рно о́браза Твоего́ чудеса́ воспева́ющихъ, / и любóвию кланя́ющихся, / и чту́щихъ Тя, Святу́ю и честне́йшую Наста́вницу.

Яко́ исто́чникъ Тя, Препѣ́тая, / животá и благода́ти, источа́ющий чудеса́ / и цельбу́ страсте́й душе́вныхъ и телесныхъ, / яко́ быстри́ну оставле́ния, / ми́лости щедро́т неисчерпа́емое мо́ре ви́дяще, / Тебе́ припада́емъ, вси, оскорбля́емии ны́не, / прося́ще вси разреше́ния бу́дущаго муче́ния.

Сла́ва, и ны́не, глас 8:

Иже на Херувимех ездяй / и певаемый от Серафим, / сшел еси с Небес е пророчески, Блаже, / и вселился еси во утробу Чистыя Богоотроковицы, / Юже Ангели воспеша тайно: / радуйся, радостная Деве, / необъятнаго яко Бога во чреве Твоем приемиши паче слова, / от неверия в веру мир преводяща; / слава Тебе, Христе, еди́не Милостиве и Человеколю́бче.

Славословие великое. И отпу́ст.

На Литургии служба вся Богородице.



Владимирская икона Божией Матери, по Церковному Преданию и вере наших славных предков, принадлежит к числу икон, написанных святым апостолом и евангелистом Лукой.

В XII веке икона эта была принесена из Константинополя в Киев к великому князю Юрию Долгорукому. Вскоре она была перенесена благоверным князем Андреем Боголюбским на север, однако в дороге князь получил свыше откровение оставить святую икону во Владимире-на-Клязьме, отчего она и получила свое название — Владимирская.

Промыслом Божиим святой образ,

прославившийся многими чудесными исцелениями, а также заступничеством и помощью граду Владимиру и его жителям, был затем перенесен в Москву, которая нуждалась в особом покровительстве Божией Матери. Московские великие князья обрели в чудотворной иконе неусыпную и милосердную Заступницу Русской земли. Много раз этот святой образ спасал православных от поругания и гибели. В память об этих чудесных заступничествах Русская Церковь установила празднества в честь Владимирской иконы: 26 августа (в память спасения Москвы от нашествия Тамерлана в 1395 году), 23 июня (в память спасения Москвы от нашествия хана Ахмата в 1480 году), 21 мая (в память спасения Москвы от нашествия Крымского хана Махмет-Гирея в 1521 году).

В 1521 году под предводительством казанского хана крымские, ногайские и казанские татары вторглись в русские пределы с такой стремительностью, что великий князь Московский Василий Иоаннович едва успел вывести свои войска на берег Оки, чтобы задержать врага. Победив русских воевод, татары предали огню все селения от Нижнего Новгорода до Москвы, уводили православных в плен, слабых и престарелых морили голодом, оскверняли Божии храмы. Оставляя смерть и ужас на своем пути, подошли они к Москве. Все предвещало недобрую участь городу и его жителям.

Москвичи во главе с митрополитом Варлаамом дни и ночи взывали к Богу с мольбой о спасении, и молитвы их были услышаны Господом.

Христа ради юродивый Василий (†1552; память 2 августа), молясь со слезами в Успенском соборе, услышал вдруг сильный шум, двери храма внезапно распахнулись, и чудотворная Владимирская икона сдвинулась с места. От нее исходил глас: «Выйду из города с российскими святителями!». Весь храм вдруг наполнился пламенем, которое погасло лишь тогда, когда исчезло само видение.

Продолжение этого Божественного откровения было явлено слепой инокине Вознесенского кремлевского монастыря. Во время усердной молитвы за землю Русскую она была духом восхитена из монастырских стен и внутренними очами увидела, как из Кремля через Спасские ворота выходят святители в светящихся одеждах, несущие Владимирскую икону Божией Матери. Шествие имело вид крестного хода. Среди них можно было узнать святителей Петра, Алексия, Иону, а также других русских святых и подвижников. Шествие было неожиданно остановлено великим угодником Божиим Преподобным Сергием Радонежским, а также преподобным Варлаамом Хутыньским (†1192; память 6 ноября), которые, припав к ногам святителей, умоляли их не покидать Москву в столь страшное и опасное время. Однако иерархи отвечали, что и они молили Бога об избавлении земли Русской от скорби, но Господь попустил нашествие варваров, чтобы этим смирить нерадивых грешников

и привести их к покаянию через слезы и скорби. Святые Сергей и Варлаам вновь и вновь припадали к ногам святителей, умоляя об их ходатайствах пред Господом и Пресвятой Богородицей за землю Русскую, пока наконец не был сотворен общий молебен, после чего святители вернулись обратно в Кремль, водворив чудотворную Владимирскую икону на прежнее место. Преподобные Сергей и Варлаам, осенив город крестным знамением, удалились.

В тот же день крымский хан внезапно отступил, не причинив Москве никакого вреда. Летописцы повествуют, что татары уже собирались выжечь московские посады, когда увидели вдруг вокруг города бесчисленное русское войско и с ужасом возвестили о том хану. Сведения их подтвердились ханскими лазутчиками, и татарское войско бежало в панике.

Чудесное спасение Москвы произошло благодаря великому заступничеству Матери Божией. Новое свидетельство Ее Небесного милосердия и покровительства вызвало прилив благодарной любви у русских людей.

Литература

1. Сказание о чудотворной иконе Богоматери, именуемой Владимирской. 6-е изд. М., 1882.
2. Снеессорева С. Земная жизнь Пресвятой Богородицы и описание святых чудотворных Ее икон. СПб., 1898.



В
ТОЙЖЕ
ДЕНЬ

**Празднование Пресвятѣй Владычице
нашей Богородице и Приснодѣве Маріи,
в честь иконы Ея, именуемая «Красногорская»**

Тропарь, глас 2:

Радуйся, святая горó Красная, / небесі подобная, / слава бо Божия на Тебѣ возсия. / Взыграйте, горы и холми, веселием, / яко на сей горѣ икона Божия Матере, / честнаго Ея умиления, прославися. / Ликуйте, человецы, и веселитесь, / яко нам даровася богатство неотъемлемое, исцелѣ-

ний сокрóвище, / глáсы, я́коже тру́бы, возшумíte, /
прославля́юще Ея́ чудеса́ пресла́вная. / И Ты,
Чи́стая, ра́дуйся, я́ко с Тобóю Господь.

Конда́к, глас 3:

На горé святéй ви́дяще Твою́ святу́ю ико́ну, /
Богорóдице, Ма́ти Де́во, / поём Твоего́ светооб-
ра́зного ли́ка изображе́ние, / поклоня́емся Твое́й
святéй ико́не, / почита́ем о́ную, / и сла́вим тоя́
пресла́вная чудеса́, / и си́це зовём Тебе́: / ра́дуйся,
Неве́сто Неневéстная.

Красногорская (Черногорская) Владимирская икона Божией Матери известна на Руси с 1603 года. В царствование Бориса Феодоровича Годунова, в Кевроле, на реке Пинеге, при храме Воскресения Христова подвизался игумен Варлаам. Всю жизнь он провел в непрестанном иноческом делании и особенно почитал Владимирскую икону Божией Матери, к Которой были обращены все его молитвы. На закате праведной и благочестивой жизни этот ревностный подвижник был озабочен тем, кому передать на сохранение дорогу для него моленную икону.

Однажды во время ночной молитвы он задремал и в сонном видении ему предстала Жена, Которая строго наказала ему передать икону вдовому священнику Мирону, чтобы он отнес ее на Черную гору. Иерей Мирон служил в деревне Юроле, в двух верстах от Черной горы, и вскоре пришел в Кевролу для сбора милостыни. Здесь игумен Варлаам рассказал отцу Мирону о своем сне и передал ему чтимую икону. Услышав о Черной горе, священник Мирон по вдохновению Духа Святого произнес пророческие слова: «Есть такая гора, но она необитаема. Думаю, что она удобна для монашеской жизни, и верую, что Господь не оставит этого святого места».

Действительно, в скором времени эти слова в точности исполнились следующим образом. Вернувшись к себе в село, священник Мирон поставил святыню в местной церкви. Здесь от принесенной иконы совершилось чудесное исцеление местной жительницы Марфы, которой во сне явилась

Матерь Божия и повторила повеление перенести Ее икону на Черную гору. Узнав о видении, отец Мирон поспешил отправиться с иконой на Черную гору, где по прибытии водрузил на вершине горы Животворящий Крест Господень и поставил около него икону Богоматери. Благодатная красота святого места особенно подействовала на священника Мирона, и он стал часто посещать Черную гору для уединенной молитвы. Вскоре к нему присоединился и игумен Варлаам, также влекомый к этой горе Божественной силой. В тот период Русское государство переживало так называемое «Смутное время». Многие монахи уходили из Москвы в поисках удобных мест для иноческих подвигов. Одним из таких иноков был монах Иона, который получил Божественное откровение идти на Черную гору. Прибыв туда, он почувствовал сердцем, что благодать Божия присутствует на этом месте и решил основать здесь церковь в честь Пресвятой Богородицы.

Игумен Варлаам, советуя не откладывать этого доброго дела, облек в ангельский образ иерея Мирона и нарек ему имя Макарий. По общему совету немногочисленной братии немедленно послал новопостриженного инока в Москву к царю Василию Иоанновичу для получения разрешения на постройку храма. Между тем монах Иона основал храм в честь Похвалы Пресвятой Богородицы на месте, указанном ему Самой Пречистой Владычицей. Но для продолжения строительства не было людей, не хватало материала и, главное — не было умелого строителя. И тогда

Пресвятая Богородица Сама стала заботиться о храме. Плотник из Карельской земли Чаков получил чудесное исцеление от болезни и по откровению Божию приехал на Черную гору, где и довел строительство храма до конца. Наконец из Москвы возвратился инок Макарий и привез царскую грамоту на устройство храма и монастыря на Черной горе.

Когда архиепископ Новгородский Исидор узнал о чудесных исцелениях от святой иконы на Черной горе, то возвел монаха Макария в сан игумена вновь устроенной обители и благословил ему антиминос для храма. В 1608 году монастырская церковь была освящена игуменом Макарием в честь Похвалы Пресвятой Богородицы и сама обитель получила название Красногорской. Поэтому и чудотворная Черногорская икона именуется иногда Красногорской. Чудеса, совершившиеся от Красногорской

иконы, прославили новоустроенную обитель. Особенно памятен для насельников монастыря 1859 год, когда огромный пожар, возникший вследствие засухи, подошел вплотную к стенам обители. Видя неминуемую гибель от огня, иноки в угарном дыму совершили крестный ход вокруг монастыря. Внезапно пошел сильный дождь, и обитель была спасена. За многие милости, проявленные Божией Матерью чрез Ее Черногорский (Красногорский) образ, эту икону еще также называют «Умиление».

Литература

1. Поселянин Е. Богоматерь. Полное иллюстрированное описание Ее земной жизни и Ее чудотворных икон. СПб., 1909, с. 310—314.

2. Снеессорева С. Земная жизнь Пресвятой Богородицы и описание Ее чудотворных икон. СПб., 1898, с. 237—243.



В
ТОЙЖЕ
ДЕНЬ

Святых великих царей и равноапостолов Константина и Елены

Стихиры праздника 3, и святых 5, глас 4.

Подобен: Дал еси знамение:

Оружие крепчайшее царю Константину дал еси, / Крест Твой честный, / имже царствова на земли праведне, / просияв благочестием, / и Царствию Небесному сподобися милосердием Твоим, / с нимже Твое человеколюбное смотрение славим, / Иисусе Всесильне, / Спасе душ наших.

Дал еси, Человеколюбче, / благочестивому Твоему угоднику / Соломонову мудрость, Давидову кротость / и апостольское православие, / яко царей Царь, господствующих всех Господь. / Темже Твое человеколюбное смотрение славим, / Иисусе Всесильне, / Спасе душ наших.

Первый повинул еси багрянцу, / приснопомнимый царю, волею Христу, / Того познав Бога / и всеми царствующаго всех Благодетеля, / победот-

вѣрна всякому началу / и власти превѣшшаго. /
Отсюду тебѣ, христороубче, / царство исправил
есть Иисусъ Человеколюбчец / и Спас душ наших.

Слава, глас 2. Византиево:

Богатых даров лучшая прием от Бога, царю державнейший, / Константине превеликий, / добре в сих преуспев: / озарився бо зарями Пресвятаго Духа, / от Сильвестра святителя крещением, / во царех явился еси непобедим, / вселенную, яко дар, дал еси Зиждителю твоему / и царствующий град благочестивый. / Темже моляся не престай Христу Богу, / даровати всем, творящим память твою, / яко дерзновение имея, / согрешений прощение и велию милость.

И ныне, праздника.

Вход. Прокимен дне. И чтенія.

Царств третиих чтение (глава 8):

Ста Соломон пред лицем жертвенника Господня, / пред всем собором Израилевым, / и воздев рuce свой на небо, и рече: / Господи Боже Израилев, / несть бог, якоже Ты, на Небеси горѣ и на земли доле. / Аще бо небо и небо небесе не довлеют Тебѣ, / како дом сей, егоже создах имени Твоему? / Обаче и призриши на молитву мою, Господи Боже Израилев, / услышати моления и молитву, / еюже раб Твой молится пред Тобою, к Тебѣ днесь. / Да будут очи Твой отверсты на дом сей день и ночь, / на место сие, о немже глагола еси: / будет имя Моѣ тамо, еже услышати молитву, / еюже молится раб Твой на месте сем, во дни и ноци. / И послушати мольбы раба Твоего и людей Твоих Израиля. / И елика аще помолются к Тебѣ на месте сем, / и Ты услышиши на месте жилища Твоего на Небеси, / и сотвориши, / и милостив будеши им.

Пророчества Исаиина чтение (главы 61 и 62):

Да возрадуется душа моя о Господе: / облече бо мя в ризу спасения и одежду веселия одея мя, / яко жениху, возложі мне венец, / яко невесту,

укра́си мя красото́ю. / И́ яко́ земля, растя́щая цвет свой, / и́ яко́ вертогра́д се́мена сво́я прозяба́ет, / та́ко возсия́ет Го́сподь пра́вду и ра́дость пред все́ми язы́ки. / Си́она ра́ди не умо́лкну и Иерусали́ма ра́ди не попу́щу, / до́ндеже у́бо изы́дет, яко́ свет, пра́вда моя́, / спасе́ние же моё, яко́ свещá, разжжётся. / И́ узря́т язы́цы пра́вду твою́, / и вси́ ца́рие зёмстии сла́ву твою́, / и нареку́тся и́менем твои́м но́вым, е́же Го́сподь имену́ет е. / И́ бу́деши венéц добрóты в руцé Го́сподни / и диа́дима ца́рствия в руцé Бо́га твоегó. / И́ ктому́ не нарече́шися оста́влен, / и земля́ тво́я ктому́ не нарече́тся пу́ста: / тебе́ бо нарече́тся во́ля моя́, и земля́ тво́я вселéнная, / яко́ благово́лит Го́сподь в тебе́, и земля́ тво́я населится́. / И́ яко́ живы́й ю́ноша с де́вою, / та́ко поживу́т сы́нове твои́ с тобо́ю, / и бу́дет и́мже о́бразом возвеселится́ жени́х о не́весте, / та́ко возвеселится́ Го́сподь о тебе́.

Проро́чества Иса́иина чтéние (глава́ 60):

Свети́ся, свети́ся, Иерусали́ме: / при́де бо тво́й свет и сла́ва Го́сподня на тебе́ возсия́. / Яко́ се тьма покрýет зёмлю и мрак на язы́ки, / на тебе́ бо явится́ Го́сподь, и сла́ва Егó на тебе́ узрится́. / И́ пойдут ца́рие свéтом твои́м, / и язы́цы свéтлостию восто́ка твоегó. / Возведи́ о́крест о́чи твои́ и виждь со́бранная ча́да тво́я: / при́дут вси́ сы́нове твои́ изда́леча, / и дщэ́ри твои́ на ра́мех во́змутся. / Тогда́ узриши, и возра́дуешися, / и убойши́ся, и ужáснешися се́рдцем, / егда́ прело́жит на тя бога́тство мо́ря, и язы́к, и люде́й. / И́ при́дут ти ста́да велблúд, / и покрýют тя велблúды Мади́амстии и Гефа́рстии, / вси́ от Сава́ при́дут, но́сяще тебе́ зláто и ливáн, / принесу́т тебе́ и ка́мень че́стен, и спасе́ние от Го́спода благовестя́т. / И́ вся о́вцы Кида́рския со́беру́тся тебе́, и овни́ Навео́фстии при́дут тебе́, / и вознесу́тся приятная на же́ртвенник Мой, и дом моли́твы Мое́я просла́вится. / Кии́ суть, и́же, яко́ о́блацы, лета́ют, / и яко́ го́лубие со птенцы́ свои́ми? / Со мно́ю есть Си́он, / Мене́ о́строви ожида́ша и корабли́ Фарси́йстии в пе́рвых, / е́же привести́ ча́да тво́я изда́леча / и серебро́ и зláто их с ни́ми, / за и́мя Го́сподне Святóе и за

эже Святому Израилеву славному быти. / И созиждут сынове инороднии стѣны твоѣ, / и царие их предстанут тебе: / за гнев бо Мой поразих тя / и за милость Мою возлюбих тя. / И отверзутся врата твоѣ, Иерусалиме, выну день и ночь, и не затворятся, / эже ввести к тебе силу языков и царей их ведомыя. / Языцы бо и царие, иже тебе не порабѣтуют, погѣбнут, / и языцы запустѣнием запустѣют. / И слава Ливанова к тебе придет в кипарисе, и пѣвге*, и кѣдре вкупе, / прославити мѣсто святое Моѣ, / и мѣсто ног Моих прославлю. / И пойдут к тебе, боящися, сынове смиривших тя и прогнѣвавших тя, / и поклонятся следам ног твоих вси, прогнѣвавшии тя, / и наречешися град Господень Сион Святаго Израилева. / За эже быти тебе оставлену, и возненавидену, и не бе помогаѣй тебе, / и положу тя в радость вечную, веселие родом родов. / И изссѣши млеко языков, / и богатство царей снеси, / и разумѣеши, яко Аз Господь, спасаѣй тя / и избавляѣй тя, Бог Израилев.

На литии стихира храма, и святых, глас 1:

Достодолжно совершаем память твою, / Константи́не равноапосто́льне, / всех царей степень и похвало: / просвещен бо быв лучами Духа, / всю уяснил еси Церковь Христову, / соборы верных отвсюду собрав / в светлом граде Никейстем, / идеже злочестивых угасися шатание / и еретическия изнемогѣша языки и обуяша, / православных же вознесѣся венец, / явльшейся вере. / Отнюдуже от них прославися православнейший, / и всем царем проповѣдан был еси отец, / яко первый багрянницу от Бога прием. / Темже молим ти ся, совершающии память твою верно: / испроси очищение прегрешений душам нашим.

Глас 2. Византиево: Не от человек звание приим, / но, яко Божественный Павел, / имел еси сие паче свѣшше, / преславне Константи́не, от Христа Бога. / Знамение бо Креста на небеси видев, / сим уловился еси, яко добрейший лов, / о сем и победитель противу видимых и невидимых

* певг — сосна.

врагов явился еси непобедим. / Темже молим тя, яко тепла молитвенника, земнии, / достойно память твою почитающе, / в дерзновении испросити нам просвещения, / очищения и велия милости.

Благочестиваго Константина память, / яко миро истощеваемо, днесь возсия: / Христа бо возжелев, идолы пренебреже, / храм воздвиг на земли распншемуся нас ради, / на Небесех же восприя надежды венец.

Глас 3: Юношеский провождая возраст, / якоже Божественный Павел, / с Вышних приял еси Божественное дарование / и лютаго борца рать всеоружеством Креста низвергл еси, / царей похвало, Константине равноапостоле, / о нас ко Господу молися, / спастися душам нашим.

Глас 4: Хвала Богу от бранных устен / воспеваема есть в Божественной памяти твоей, / Константине всехвальне: / ты бо явился еси преизящный воин словесе веры, / поругав изваянные идолов зраки, / и ныне причелся еси светлости Троицней / просвещаяя помышления наша мольбами твоими.

Слава, глас 5:

Церковь днесь украсившись державою твоею, царю, / тайно веселится / и твою всечестную память по достоянию прехвально почитает, зовущи: / радуйся, иже Павлу поревновавый, / и Крест Христов вземый, / и сети сокрушивый сопротивоборца. / Радуйся, царей всеизрядне / и апостолом равночестне. / Радуйся, верных утверждение / и воинов крепкое забрало. / Константине блаженне, / о нас ко Господу не оскудей моляся, / яко дерзновение имей, / Церкви украшение.

И ныне, праздника или Богородичен.

На стиховне стихиры, глас 2.

Подобен: Егда от Древа:

Первый царь во христианах, / от Бога, Константине, скиптр восприял еси: / тебе бо явися в земли криво спастительное знамение, / иже и языки вся покорил еси под ноги римлян, / оружие неборимое имей, Животворящий Крест, блаженне, / иже и привелся еси Богу нашему.

Стих: Вознесо́х избра́ннаго от люде́й Мои́х, / обрето́х Дави́да, раба́ Моего́.

Войстинну блаже́нно чре́во / и освяще́нна утроба, тебе́ носившая, царю́ мировожделе́нне, / христиа́нов ра́досте, / Константи́не Боговенча́нне, / ри́млян сла́во, бога́тство и поборо́ниче си́рых и вдови́ц, / покрóв смире́нных / и недоуме́ющихся в ско́рбех исправле́ние, / войстинну и плённых изба́вление.

Стих: Сего́ ра́ди пома́за Тя, Бо́же, / Бог Твой елеем ра́дости.

Желáнием и любóвию Христо́вою уязви́вшись, / ма́ти пресла́дкия о́трасли / со тща́нием при́иде во святы́й Сио́н, / на ме́сто свято́е, / на нёмже распя́т-ся во́лею Спас наш, / во е́же спасти́ нас, / иде́же Крест взёмши, ра́дующися, взыва́ше: / сла́ва Дарова́вшему мне, Егóже надéяхся.

Сла́ва, глас 8:

Свет пресве́тлый, ца́рская звезда́ невече́рняя, / от неве́рия в ве́ру Божества́ преше́дши, / приведе́ся освяти́ти лю́ди и град / и, о́браз Креста́ на Небеси́ ви́дев, услы́ша оттúду: / сим побежда́й враги́ твоя́. / Отону́дуже приём разу́мение Ду́ха, / священник извеще́н и царь елеем, / утверди́л еси́ Це́рковь Бо́жию, / правосла́вных люде́й, о́тче, / егóже и ра́ка исцеле́ние то́чит, / Константи́не равноапóсто́льне, / моли́ся о душа́х на́ших.

И ны́не, пра́здника.

Тропа́рь, глас 8:

Креста́ Твоего́ о́браз на Небеси́ ви́дев / и, я́коже Па́вел, зва́ние не от челове́к приём, / в царех апóстол Твой, Го́споди, / Ца́рствующий град в руце́ Твое́й положи́, / егóже спаса́й всегда́ в ми́ре моли́твами Богоро́дицы, / еди́не Человеколю́бче.

НА УТРЕНИ

На Бог Го́сподь: тропа́рь пра́здника, два́жды. Сла́ва, святы́х. И ны́не, пра́здника.

По 1-й кафізме седáлен, глас 3.

Подóбен: Божéственныя вéры:

Нóвый был есі Давід образы, рог свѣше
восприём царствія верх твой: / елеем бо Духа
помáза тя, славне, Пресущное Слово и Господь. /
Отонудуже приял есі и скиптр, премудре, царс-
кий, / прося нам вѣлія мѣлости.

Слава, и ныне, праздника или Богородичен:

Божéственная скіния была есі Сло́ва, / едина
Пречѣстая Мати Дѣво, чистотою Ангелы превоз-
шедшая, / паче всех менѣ, персть бѣвша, / осквер-
нена плотскіми прегрешеньми, / очисти моли́тв
Твои́х Божéственными водами, / подаючи, Чѣстая,
вѣлію мѣлость.

По 2-й кафізме седáлен, глас 6.

Подóбен: Ангельскія:

Уязвляемъ на Крестѣ Творецъ со́лнца и твáри, /
тебѣ, яко звезду́ свѣтлую, с Небесѣ звездами
привлечѣ, / е́муже и держа́ву пѣрвому царскую
возложѣ. / Тѣмже ты восхваляемъ, Константине,
царю́ благочестѣвейший, / с Еленою, материю
Богомудрою.

Слава, и ныне, праздника или Богородичен:

Преднаписуетъ Гедеонъ зачатіе, и сказуетъ Давидъ
рождество́ Твое́, Богородице: / сніде бо, яко дождь
на руно́, Слово во чре́во Твое́, / и прозяблá есі без
семене, землѣ святая, мірови спасѣние, / Христа́
Бога нашего, Благодатная.

Величáние:

Велича́ем вас, / святѣии благовѣрнии и равноапó-
стольнии цáрие Константине и Елено, / и чтимъ
святую́ пáмять вáшу, / вы бо святѣмъ Крестомъ / всю
вселѣнную просветѣли есте́.

По полиелѣи седáлен, глас 4.

Подóбен: Скóро предварѣ:

Благонáрочита пáмять тво́я, явльшися нам, /
озаряетъ концы́ Богоразумія свѣтомъ, Константине
Богодухновѣнне: / ты бо в царѣхъ благочестѣвне
показался есі, / закóны Небеснаго Царя́ соблóд. /
Тѣмже моли́твами тво́ими избáви нас от искушѣ-
ний.

Сла́ва, и ны́не, Богоро́дичен:

Обнови́ла еси́, Чи́стая, Божество́нным Рожде́ством Твои́м / истле́вшее во страстѣх земноро́дных ме́ртвенное существо́ / и воздв́игла еси́ вся от сме́рти к живото́у нетле́ния, / те́мже Ты по до́лгу блажи́м вси́, Де́во препросла́вленная, я́коже про-рекля́ еси́.

Степѣнна, 1-й антифѣн 4-го гласа. Прокімен, глас 4: Вознесо́х избра́ннаго от люде́й Мои́х, / обрето́х Дави́да, раба́ Моего́. **Стих:** Сего́ ра́ди помáза Ты, Бо́же, Бог Твой елее́м ра́дости. **Всякое дыха́ние: Евангелие от Иоáнна, зачало 36.**

По 50-м псалме́, Сла́ва: Моли́твами Боговенча́нных царей́, / Ми́лостиве: И ны́не: Моли́твами Богоро́дицы: Та́же, Помы́луй мя, Бо́же: Посѣм стихи́ра: Благочестива́го Константина́: ищи́ на лити́и, страница 341.

Кано́н пра́здника, на 6 и святых на 8, глас 8.

Песнь 1

Ирмо́с: Во́ду проше́д, я́ко су́шу, / и египетскаго зла избежа́в, / израильтянин вопия́ше: / **Изба́вителью и Бо́гу нашему по́йм.**

Еди́не Небе́сный Царю́, ца́рствующаго греха́ ны́не во мне / Твои́х уго́дников мо́льба́ми смире́нную ду́шу мою́ свободи́.

Го́рняго быв рачи́тель Ца́рствия, блаже́нне Константи́не, / Царю́ всех и Влады́це, умо́м чи́стым ве́ровав, послужи́л еси́.

Све́том облиста́вшись Богонача́льным, / тьму неразу́мья оста́вила еси́ вои́стинну, Богому́драя Еле́но, / приискренно Царю́ веко́в порабо́тала еси́.

Богоро́дичен: Дверь Божество́ннаго восто́ка, отвѣрзи ми двѣри пока́яния / и от дверей смертоно́снаго греха́ ходата́йством Твои́м изба́ви мя, Влады́чице.

Катава́сия пра́здника.

Песнь 3

Ирмо́с: Небе́снаго кру́га Верхотво́рче, Го́споди, / и Це́ркве Зиждите́лю, / Ты мене́ утверди́ в любви́ Твое́й, / желáний кра́ю, ве́рных утвержде́ние, / еди́не Человеколю́бче.

Возмѣдѣя Небѣсная получи́ти потща́лся еси́, /
тѣмже зову́щему, Богому́дре, послѣдовал еси́, / и
тѣму оста́вил еси́, о́тче, пре́данныя ти лѣсти, / и
свети́льник Ду́хом Божѣственнымъ был еси́.

Христу́ прилепи́вшись и на Него́, всечестна́я,
всю возложи́вши надѣжду, / священна́я Его́ мѣста́
достѣгла еси́, / в ни́хже пречи́стыя стра́сти, вопло́-
тѣвша, претерпе́, Преблагі́й.

Спаси́тельное ору́жие, неразори́мое одоле́ние,
христиа́нскую надѣжду, / Крестъ Честны́й, зави́-
стию сокровѣ́нный, ты явила́ еси́, / Божѣственнымъ
распалѣема желáнием, Богоблаже́нная.

Богороди́чен: Священна́го граждáнства отпа́д,
Пречи́стая, / приложи́хся ското́м и осужде́н весь
бых; / Я́же Судию́ рождша́я, всякаго осужде́ния
избáви и спаси́ мя.

Конда́к и йкосъ прáздника.

Та́же, седа́лен, гласъ 8.

Подобенъ: Премудрости:

Чувства простѣ́р къ Небеси́ и звѣздную навѣ́кнувъ
добро́ту, / от сихъ тайноучи́мъ быва́я всячески́х
Го́спода, / крѣстное же ору́жие посреде́ облиста́, /
напису́я о семъ побежда́ти и держа́внымъ бы́ти. /
Тѣмже, души́ твоея́ отвѣ́рз очеса́, письмо́ прочѣ́л
еси́ / и образу́ научи́вша, Константине́ всечестне, /
моли́ Христа́ Бо́га согрѣше́ний оставле́ние
дарова́ти / прáзднующимъ любóвию святу́ю пáмять
твою́.

Сла́ва, и ны́не, прáздника или́ Богороди́чен:

Премудрость и Сло́во въ Твое́мъ чре́ве заче́нши
неопáльно, Ма́ти Бо́жия, / мірови роди́ла еси́ миръ
Содержа́щаго / и въ объ́ятіяхъ понесла́ еси́ вся
Нося́щаго, / Пита́теля всехъ и Творца́ тва́ри. /
Тѣмже молю́ Тя, Всесвята́я Де́во, и ве́рно сла́влю
Тя, / изба́витися ми отъ прегрѣше́ний, и въ день
суда́, / егда́ предста́ти́ я́мамъ предъ ли́цемъ Созда́теля
моего́, / Влады́чице Де́во Чы́стая, Твою́ по́мощь
тогда́ пода́ждь ми: / вся бо мо́жеши, елика́ хощеши,
Все́петая.

Песнь 4

Ирмос: Услышах, Господи, / смотрения Твоего тайнство, / разумех дела Твоя / и прославих Твое Божество.

С Небесé, яко Пáвля ты дрéвле, уловляет Христос Господь, Константине, / научая ты Царя Единаго Сего почитати.

Пресветлым знамением ты, блаженне, звездами Христос Солнце озаряет / и светильника ты омраченнным показá.

И нравы Боголюбива и Божественными деянии досточудна, блаженная, была еси: / сего ради верою ты славим.

Являеши крйемую леты многими ныне Божественную победу Креста, / имже спасохомся и демонския прелести избавихомся.

Богородичен: Душу мою озари, омраченную согрешеньми, / Яже Солнце правды рождающая, Приснодево.

Песнь 5

Ирмос: Утренююще, вопиём Ти: / Господи, спаси ны, / Ты бо еси Бог наш, / разве Тебе, иного не ве́мы.

Утренавав к незаходимому Солнцу и Владыце, / царю Богомудре, света исполнен был еси.

Любовь и совершенное милосердие, яко порфиру, носящи, / вселилася еси ныне в Вьшняя Царствия.

Совокупилася еси со безплотных, Елено, ликостоянии, / Богу угодивши добродетельными твоими деянии.

Богородичен: Дево, душу мою очисти, / оскверненную сластми телесными, наветом змийным.

Песнь 6

Ирмос: Молитву пролию ко Господу / и Тому возвещу печали моя, / яко зол душа моя исполнися / и живот мой аду приближися, / и молюся, яко Иона: / от тли, Боже, возведи мя.

Собрал еси Богоносных отец блаженный лик преславно / и теми, Константине, всех обуреваемая сердца утвердил еси / единочестна славословити Рождшему, Слова и сопрестольна.

Вéровавши в Гóспода жíва, ёже б́ити всем подаю́щаго, / мёрзских и сýетных íдолов мёртвенная отр́инула ес́и служéния / и при́яла ес́и ра́достно, Елéно, Цáрство Небéсное.

Длáнию Твоёю окормляеми, Слóве, / невéдения глубочáйшую тьму и лóтаго безбóжия б́урию Тобóю цáрствовавши отр́инуша / и приведóшася к т́ихим благочéстия пристáнищам, ра́дующеся.

Богорóдичен: Исцел́и неисцельно недуговавшее / и ухаплéнием лукаваго лóте уязвившееся сёрдце моё, Отрокови́це, / и Твоёго исцелéния сподóби, и спас́и мя, / на Тя надéющагося, мольбáми Твоими, Преч́истая.

Кондáк, глас 3.

Подóбен: Дéва днесь:

Констант́ин днесь с мáтерию Елéною / Крест явля́ют, всечестно́е дрéво, / всех ўбо иудеев посрамлéние сýще, / ору́жие же на прот́ивныя вёрных людéй: / нас бо ра́ди яв́ися знáмение вéлие / и во бранéх грóзное.

Ўкос:

Констант́ина, вёрнии, с мáтерию почт́им: / Дави́да бо и сии словеса́ услы́шавше, на кéдре, и пéвге, и кипар́исе, / треслóжный Крест позна́ша, имже спас́ительная страсть послéдова, / и вся предста́виша иудéи, уготóвитися показáти людем вéлие оправдáние, / сокровéнное зáвисти ра́ди и нéнави́сти тех, / и, сиé обрётше, показáша он́и. / Сего́ ра́ди всем победонóснии яв́ишася, / ору́жие нося́ще необор́имое, знáмение вéлие и во бранéх грóзное.

Песнь 7

Ирмо́с: *Отроцы еврéйстии в пещи́ / попра́ша пла́мень дерзновéнно / и на рóсу огонь прелож́иша, вопию́ще: / благословéн ес́и, Гóсподи Бóже, во вéки.*

Твоя́ повелéния сохраня́я, повинúся Твоему́ закóну Констант́ин. / Тёмже беззакóннующих низлож́и ополчéния, вопия́ Тебé: / Гóсподи Бóже, благословéн ес́и.

Дрэво, ёже всех извлéкшее, досточúдне, из рóва

погибели, / загребённое завистию, нам открыва́-
еши, / погребая́й демоны всегубительныя во ве́ки.

Деянии Божественными создала́ еси́ се́рдце твоё
церковь Бо́гу, Елѣно, / и хра́мы священныя То́му
содѣлала еси́, / иде́же плóтию пречистыя нас ра́ди
подъя́т стра́сти.

Богорóдичен: Во́лею мою́ согреша́яй и порабо́-
щён безме́стными обы́чайми, / ко обы́чному Твоему́
ны́не притека́ю милосе́рдию, / отча́яннаго спаси́
мя, Пресвята́я Богорóдице.

Песнь 8

Ирмо́с: Се́дмерицею пещь / халде́йский
мучи́тель / Богочести́вым неистовно разжже́, / си́-
лою же лу́чшею спасены, сия́ ви́дев, / Творцу́ и
Иза́вителю вопи́яше: / о́троцы, благослови́те, /
священни́цы, воспойте, / лю́дие, превозно́сите во
вся ве́ки.

Яко багряни́цею, сла́вне, оде́ваясь милосе́рдием, /
и я́коже хламíдою, в до́брую крóтость венце́м
укра́шен был еси́ добродете́лей соверше́нным
умо́м / и, преста́влься от земли́ к Вы́шнему Ца́р-
ствию, зове́ши: / иере́и, благослови́те, лю́дие, пре-
возно́сите Христа́ во ве́ки.

Веселя́щуюся ви́дящи с сы́ном тя Богому́дром,
сла́вная Елѣно, в Бо́жии Ца́рствии, / Христа́ вели-
ча́ем, ваш честный пра́здник показавшаго нам, /
па́че лучи́ со́лнечныя нас озари́вший, ве́рно
пою́щих: / лю́дие, превозно́сите Христа́ во ве́ки.

Яко чу́дно желáние твоё и нрав Божественный, /
сла́вная Елѣно, жена́м похвалó: / мест бо дости́гши,
честны́я стра́сти подъя́вших, / Влады́це всех хра́-
мы прекра́сными удобри́ла еси́, вопи́ющи: / лю́дие,
превозно́сите Христа́ во вся ве́ки.

Богорóдичен: Души́ моея́ о́чи, мно́гими преступ-
лѣнии ослепле́нныя, Богорóдице, просвети́, / ум
мой уми́ри и се́рдце, молю́ся, смущѣнное сла́стми
многообра́зными, / и спаси́ мя, вопи́юща: / иере́и,
благослови́те, лю́дие, превозно́сите Чи́стую во вся
ве́ки.

Песнь 9

Ирмо́с: Ужасе́ся о сем Не́бо, / и земли́ удиви́шася
концы́, / я́ко Бог яви́ся челове́ком плóтски / и че́рево

Твоё бысть пространнейшее небес. / Тем Тя, Богородицу, / Ангелов и человек чиновачалия величают.

Гроб, идеже лежит священное, Константи́не, и честное тело твоё, / зарю Божественных исцелений чисте приступающим всегда источает, / страстей различных тьму отгоня / и светом невечерним просвещая восхваляющих тя.

Свято свою скончавши жизнь, со святыми ныне вселилася еси, / освящения исполнена бывши и просвещения. / Темже и исцелений всегда источаеши реки, / и страсти поपालеши, Елено блаженная, и напаяеши души наша.

Пребезначальне безсмертне Царю, / Царствия Вышняго сподобил еси, / ихже благочестно древле оправдал еси на земли, / еже царствовать, Господи, Ты возлюбивших чисте, / Елену святую и великаго Константи́на, / ихже молитвами всех ущедри.

Богородичен: Всех Царя и Творца зачэнши, Дево, родила еси / и се ныне, якоже Царица одесную Сего, Чистая, предстоиши. / Темже молю Тя: / шуия части избави мя в час суда / и десным овцам сопричти.

Светилен

Подобен: Жены, услышите:

Светильницы, просветивши вселенную всю благочестия верою, / вы явитесь воистинну, Богвенчанне Константи́не и Елено славная. / Вас возвеличившаго Христа песньми славословим, Дивнаго во святых.

Слава, другий.

Подобен: Учеником:

Не от человек прият царственную державу, / но от Божественнаго благодати Константи́н великий с материю, / с небесе облистаеть же, зрит Креста Божественную победу, / иже сим погубив врагов, идольскую разруши леть, / в мире же укрепил православную веру.

И ныне, праздника.

На хвалитех стихиры праздника 3 и святых 3, глас 8.

Подобен: О, преслávнаго чудесé:

**Рáдуйся, Константи́не премúдре, / правослávия
истóчнице, / напая́й всегда́ сладкими вода́ми /
всю подсолнечную. / Рáдуйся, ко́реню, / из него́же
прозябе́ плод, пита́й Цérковь Христо́ву. / Рáду-
йся, похвало́ концев, преслávне, / христиáнских
царей пёрвейший. / Рáдуйся, радости́ вёрных.**

**Цáрствуяй твáрию, / благопоко́рное предзря́й
сёрдца твоего́, премúдре, / словéсне уловля́ет тя, /
безсловéсием держима, / и, озарив твоё
помышлэ́ние / благочéстия разумéнии, / мíру пока-
за́ светозáрна, я́ко солнце, / лучи́ испущáющая /
Божéственных де́яний, преслávне.**

**Рáдуйся, Елэ́но всемирная, / я́же Крест Христо́в
на земл́и явльшая, / его́же беззакóннии иудеи
скръ́ша, / просвещáющая и освящáющая / лю́ди Гос-
подня богáтыя. / Тя мо́лим, крестонóсице слávная, /
о нас, творя́щих твою́ пáмять, помол́ися.**

**Господня́ учéния, / я́коже земл́я избáнная, /
приёмши, всехвáльная, / добродéтельных де́яний
благоплóдие прозяблá еси́, / помышлэ́ния нáша
пита́ющее, / уподоблэ́нием, Елэ́но премúдрая,
граждáнства твоего́. / Тёмже прáзднуем рáдостно
днесь / пáмять твою́, торжествую́ще.**

**Елэ́ем рáдости / Твоя́ причáстники, Христé, /
Константи́на и Елэ́ну, / преслávно помáзал еси́, /
прéлесть возненав́идевших / и Твоея́ добрóты
возжелáвших, / и Цáрствия Небéснаго Твоего́ сих
сподóбил еси́, / благочéстно пёрвее на земл́и,
Слóве, цáрствовавших, / мановéнием Твоём.**

Слáва, глас 8. Мефóдия Патриáрха:

**Царь царей и Бог, / богáтыми даровáнии укра-
шáяй достóйныя, / Сам с Небесé, я́коже Пáвла
преслávнаго, / знáмением Крестным тебе́, Констан-
тине, улови́: / сим, рек, побежда́й враги́ твоя́. /
Его́же взыска́в с мáтерию Богомúдрою / и обрёт,
я́коже желáл еси́, / сих держáвно в бéгство обра-
тил еси́. / С нею́ ўбо моли́ о правослávных лю́дех, / и
христолюб́ивом во́инстве, / и о всех, пáмять твою́
совершáющих вёрно, / единаго Человеколю́бца, /
избáвиться всякого́ гнёва.**

И ны́не, прáздника. Славослóвие вели́кое.

НА ЛИТУРГИИ

Блаженны праздника, песнь рядовая, и святых, песнь 6-я, на 4. Прокимен, глас 8: Во всю землю изыде вещание их, / и в концы вселенныя глаголы их. Стих: Небеса поведают славу Божию: Апостол к Галатам, зачало 200. Аще ли прилучится внутрь Пятидесятницы, чтется Апостол в Деяниях, зачало 49. Аллилуия, глас 1: Вознесох избраннаго от людей Моих, / обретох Давида, раба Моего. Стих: Господи, силою Твоею возвеселится царь и о спасении Твоем возрадуется зело. Евангелие от Иоанна, зачало 35, от полу. Причастен: Во всю землю: Вестно буди, зри аще случится память святаго царя Константина в четверток Вознесения или в неделю 7-ю святых отец, службу его пети, якоже Иоанну Богослову, по темже главам.

Молитва

О предивнии и всехвальнии царие, святии равноапостольнии Константине и Елено! К вам, теплым заступником, возносим наши недостойныя молитвы, яко велие имате дерзновение ко Господу. Испросите у Него мир Церкви и всему миру благоденствие. Начальником мудрость, пастырем попечение о пастве, пасомым смирение, старцем желанное упокоение, мужем крепость, женам благолепие, девственником чистоту, детем послушание, младенцем христианское воспитание, больным исцеление, враждующим примирение, обидимым терпение, обидящим страх Божий. Приходящим в храм сей и молящимся в нем святое благословение и всем вся по коегождо прошению полезная, да хвалим и поем Благодетеля всех Бога в Троице славимаго Отца и Сына и Святаго Духа ныне, и присно, и во веки веков. **Аминь.**

Святой император Константин (306—337), получивший от Церкви именование равноапостольный, а во всемирной истории названный Великим, был сыном цезаря Констанция Хлора (305—306), правившего странами Галлией и Британией. Огромная Римская империя была в то время разделена на Западную и Восточную, во главе которых находились два самостоятельных императора, имевшие соправителей, одним из которых в Западной половине и был отец императора Константина. Святая царица Елена, мать императора

Константина, была христианкой. Будущий правитель всей Римской империи — Константин был воспитан в уважении к христианской религии. Отец его не преследовал христиан в управляемых им странах, в то время, как во всей остальной Римской империи христиане подвергались жестоким гонениям со стороны императоров Диоклитиана (284—305), его соправителя Максимиана Галерия (305—311) — на востоке и императора Максимиана Геркула (284—305) — на западе. После смерти Констанция Хлора сын его Константин в



306 году был провозглашен войсками императором Галлии и Британии. Первым делом нового императора было провозглашение в подвластных ему странах свободы исповедания христианской веры. Фанатик язычества Максимиан Галерий на востоке и жестокий тиран Максентий на западе ненавидели императора Константина и злоумышляли его низложить и убить, но Константин предупредил их и в ряде войн с помощью Божией разбил всех своих противников. Он молил Бога дать ему знамение, которое воодушевило бы его войско храбро сражаться, и Господь явил ему на небе сияющее знамение Креста с надписью «Сим победиши». Сделавшись полновластным правителем западной части Римской империи, Константин издал в 313 году Миланский эдикт о веротерпимости, а в 323 году, когда воцарился как единственный император над всей Римской империей, распространил действие Миланского эдикта и на всю восточную часть империи.

После трехсот лет гонений христиане впервые получили возможность открыто исповедовать свою веру во Христа.

Отказавшись от язычества, импе-

ратор не оставил столицей империи древний Рим, бывший центром языческого государства, а перенес свою столицу на восток, в город Византию, которая и была переименована в Константинополь. Константин был глубоко убежден, что только христианская религия может объединить огромную разнородную Римскую империю. Он всячески поддерживал Церковь, возвращал из ссылки исповедников-христиан, строил храмы, заботился о духовенстве. Глубоко почитая Крест Господень, император желал найти и самый Животворящий Крест, на котором был распят Господь наш Иисус Христос. Для этой цели он направил в Иерусалим свою мать — святую царицу Елену, дав ей большие полномочия и материальные средства. Вместе с Иерусалимским Патриархом Макарием святая Елена приступила к поискам, и Промыслом Божиим Животворящий Крест был чудесным образом обретен в 326 году. (Сведения об обретении Креста Господня помещены в праздник Воздвижения 14 сентября.) Находясь в Палестине, святая царица многое совершила в пользу Церкви. Она приказала освободить все места, связанные с земной жизнью Господа и Его Пречистой Матери, от всяких следов язычества, повелела воздвигнуть в этих памятных местах христианские церкви. Над пещерой Гроба Господня сам император Константин повелел соорудить великолепный храм в честь Воскресения Христова. Святая Елена отдала Животворящий Крест на хранение Патриарху, часть же Креста взяла с собой для вручения императору. Раздав в Иерусалиме щедрую милостыню и устроив трапезы для бедных, во время которых сама прислуживала, святая царица Елена возвратилась в Константинополь, где вскоре скончалась в 327 году.

За свои великие заслуги перед Церковью и труды по обретению Животворящего Креста царица Елена именуется равноапостольной.

Мирное существование христианской Церкви было нарушено возникшими внутренними нестроениями и раздорами от появившихся ересей. Еще в начале деятельности императора Константина на западе возникла ересь донатистов и новациан,

требовавших повторения крещения над отпадшими во время гонений христианами. Эта ересь, отвергнутая двумя Поместными Соборами, была окончательно осуждена Миланским Собором 316 года. Но особенно губительной для Церкви оказалась возникшая на востоке ересь Ария, дерзнувшего отвергнуть Божественную сущность Сына Божия и учить о тварности Иисуса Христа. По повелению императора был созван в 325 году Первый Вселенский Собор в городе Никее. 318 епископов собрались на этот Собор, его участниками были епископы-исповедники периода гонений и многие другие светильники Церкви, среди которых — святитель Николай Мирликийский. (Сведения о Соборе помещены 29 мая.) Император присутствовал на заседаниях Собора. Ересь Ария была осуждена и составлен Символ веры, в который

был внесен термин «Единосущный Отцу», навсегда закрепивший в сознании православных христиан истину о Божественности Иисуса Христа, принявшего человеческую плоть для искупления всех людей.

Можно удивляться глубокому церковному сознанию и чувству святого Константина, выделившему термин «Единосущный», слышанный им в прениях Собора, и предложившему внести это определение в Символ веры.

После Никейского Собора равноапостольный Константин продолжал активную деятельность в пользу Церкви. В конце жизни он принял святое Крещение, подготовившись к нему всей своей жизнью. Скончался святой Константин в день Пятидесятницы в 337 году и был погребен в церкви святых Апостолов, в заранее приготовленной им гробнице.



В
ТОЙЖЕ
ДЕНЬ

**Святáго благовѣрнаго князя Константина
и чад его, Михайла и Феодора,
Муромских чудотворцев
Совершается собор их в Муроме.**

НА ВЕЧЕРНИ

На Господи, воззвах: стихиры, глас 4.

Подобен: Званный свѣше:

Приидите, вси вернии, / духовно торжествуим, /
приидите и услышите, / еже мы обретохом
преславно / в глинных сосудех благодать кипя-
щую, / от гроб явльшуюся, / блаженнаго князя
Константина / с чады, Михайлом и Феодором. / К
нимже вкупе сице возопиим: / блаженнии и требла-
женнии, / Христу молитесь о граде сродствия
вашего, / спасти и просветити души наша.

Кто не почудится, или кто не похвалит, / слышав
великую славу, / во всех странах текущую от
богоспасаемаго града Мурома, / величающаяся и
высящаяся паче инех градов, / имеющая в себе

богáтство неоскудева́емо / и сокровище неги́блемо, / но́вых чудотворцев, / князя Константина прехвáльного с Миха́йлом и Фе́одором? / К нимже, моля́щаяся, глаго́лем: / Христу́ моли́тесь спасти́ и просвети́ти ду́ши на́ша.

О, вели́кое и несказáнное та́инство, / е́же нам открýся на похвалéние, во всех страна́х! / А́ще бо где яви́ся еди́н свети́льник, / мы же свѣ́ше обрето́хом три́ех, вку́пе сия́ющих, я́ко со́лнце, / и чудеса́ точа́щих день и но́щь. / Того́ ра́ди к ним возопи́м, си́це глаго́люще: / моли́тесь Хри́стови, блаже́ннии, со все́ми святы́ми Егó / спасти́ и просвети́ти ду́ши на́ша.

Сла́ва, глас 6:

Вся́ческая днесь испо́лнишася ра́дости и весе́лия, / слѣ́шавше но́вое и пресла́вное чу́до, / я́ко гра́ду Му́рому обрете́ся свой просвети́тель, / и наста́вник, и учи́тель, / благове́рный князь Константи́н / и два сы́на его, Миха́йл и Фе́одор, / и́же избáвльше нас от преле́сти идо́льския, / просвети́ша святы́м Креще́нием. / К нимже вку́пе рцем, сликовству́юще, си́це: / се вре́мя благоприя́тно, / се день спасе́ния, / се цельба́м ре́ки точа́хуся непреста́нно. / Тем, Христу́ моля́щаяся, та́ко вопие́м: / Го́споди, моли́твами святы́х Твои́х помилуй нас.

И ны́не, пра́здника.

Вход. Прокі́мен дне. И чтéния.

Собо́рнаго послáния Иоáннава чтéние

(главы́ 3 и 4):

Возлю́бленнии, / а́ще се́рдце на́ше не за́зрит нам, дерзнове́ние има́мы к Бо́гу. / И егóже а́ще про́сим, прие́млем от Него́, / я́ко за́поведи Егó соблюда́ем / и угодная́ пред Ним твори́м. / И сия́ есть за́поведь Егó: / да ве́руем во И́мя Сы́на Егó Иису́са Христа́ / и лю́бим друг дру́га, я́коже дал есть за́поведь нам. / И соблюда́яй за́поведи Егó, в Нем пребыва́ет, и Той в нем, / и о сем разумее́м, я́ко пребыва́ет в нас, от Ду́ха, Егóже дал есть нам. / Возлю́бленнии, не вся́кому ду́ху ве́руйте, / но искуша́йте ду́хи, а́ще от Бо́га суть, / я́ко мно́зи лжепроро́цы изыдо́ша в мир. / О сем познава́йте Ду́ха Бо́жия и ду́ха

лѣстча*:/ всякъ дух, ѡже исповѣдуетъ Иисуса Христа, во плоти пришедша, отъ Бѡга есть./ И всякъ дух, ѡже не исповѣдуетъ Иисуса Христа, во плоти пришедша, отъ Бѡга несть,/ и сей есть антихристовъ,/ егѡже слышасте, яко грядѣтъ, и нынѣ въ мѣре есть ужѣ./ Вы отъ Бѡга естѣ, чадца, и побѣдите техъ,/ яко бѡлий есть, ѡже въ васъ, нежели ѡже въ мѣре./ Они отъ мѣра суть,/ сегѡ ради отъ мѣра глаголютъ, и мѣр техъ послушаетъ./ Мы отъ Бѡга есмь:/ ѡже знаетъ Бѡга, послушаетъ насъ,/ и ѡже несть отъ Бѡга, не послушаетъ насъ.

Соборнаго посланія Иоаннова чтѣние (глава 4):

Возлюбленнии,/ аще сѣце возлюбилъ есть насъ Богъ,/ и мы должи есмь другъ друга любить./ Бѡга никтоже нигдѣже видѣ./ Аще другъ друга любимъ, Богъ въ насъ пребываетъ,/ и любви Егѡ совершенна есть въ насъ./ О семъ разумѣемъ, яко въ Немъ пребываемъ и Той въ насъ,/ яко отъ Духа Своегѡ далъ есть намъ./ И мы видѣхомъ и свидѣтельствуемъ, яко Отецъ послалъ Сына Спасителя мѣру./ Иже аще исповѣсть, яко Иисусъ есть Сынъ Бѡжій,/ Богъ въ немъ пребываетъ, и той въ Бѡзе./ И мы познахомъ и вѣровахомъ любовь, юже имать Богъ въ насъ./ Богъ любви есть,/ и пребывая въ любви въ Бѡзе пребываетъ,/ и Богъ въ немъ пребываетъ.

**Соборнаго посланія Иоаннова чтѣние
(главы 4 и 5):**

Возлюбленнии,/ аще кто речѣтъ, яко люблю Бѡга, а брата своего ненавидитъ,/ ложь есть:/ ибо не любяй брата своего, егѡже видѣ,/ Бѡга, Егѡже не видѣ, како можетъ любить?/ И сѣю заповѣдь имамы отъ Него,/ да любяй Бѡга любитъ и брата своего./ Всякъ, вѣруай, яко Иисусъ есть Христосъ, отъ Бѡга рожденъ есть,/ и всякъ, любяй Рѡждшаго, любитъ и Рожденнаго отъ Него./ О семъ вѣмы, яко любимъ чада Бѡжія,/ егда Бѡга любимъ и заповѣди Егѡ соблюдаемъ./ Сѣя бо есть любви Бѡжія, да заповѣди Егѡ соблюдаемъ,/ и заповѣди Егѡ тяжки не суть./ Яко всякъ рожденный отъ Бѡга, побеждаетъ

* дѡха лѣстча— дѡха заблужденія.

мир, / и сия есть побѣда, побѣждшая мир, вѣра
наша. / Кто есть побѣждаѣй мир, токмо вѣруай, /
яко Иисус, есть Сын Божий.

На стиховне стихиры, глас 3.

Подобен: Вѣлия Креста:

Величавый падѣся, / и рыдают вся лукавая егѡ
вѡинства, / видяще ветвь сущую, / вселичною си-
лою Божественною / благоприсаждѣему, и прос-
лавляему, / и свѣтло венчаваему от Бѡга, / великаго
князя Константина, начальника нашего.

Стих: Во всю зѣмлю изыде вещание их / и в
концы вселенныя глаголы их.

Жестосердии Бѡга не разумѣша, / иже вотще
шатахуся; / от лица же днесь Михайла и Феодора /
Церковь их веселится и радуется: / Христос бо
постави их князи земли Своей.

Стих: Небеса поведают славу Божию, / творение
же руку Егѡ возвещает твердь.

Вторый ты был еси Константин царь, / делом, и
словом, и именем, / и новому уподобился еси
Владимиру. / Такожде израстил еси нам две отрасли,
/ Михайла и Феодора, / с нимиже моли о нас
Христа, / княже Константине, Человеколюбца.

Слава, глас 8:

Яко Троице поборницы, Михайл и Феодор, / да
похвалятся со отцем их, со князем Константином
вкупѣ, / сицевыми глаголы: / радуйся, Михайле,
Муромская похвало. / Радуйся, верных правите-
лю, Феодоре блаженне. / Радуйся, княже Констан-
тине, наставниче наш, / и веры нашей хранителю, /
и притекающих к тебе пристанище тихое. / Радуй-
ся, кореню веры и молебниче молящихся тебе / и
величающих тя верно.

И ныне, праздника.

Тропарь, глас 4:

Константин днесь весело ликовствует, / пред-
стоя престолу Святыя Троицы, / видя отечест-
вие свое, мастию духовною сияющее; / емуже
последоваша Михайл и Феодор, сынове егѡ, / и
молятся вси три вкупѣ о душах наших.

НА УТРЕНИ

По 1-й стихоло́гии седа́лен прáздника.

По 2-й стихоло́гии седа́лен святы́х, глас 1.

Подóбен: Гроб Твой:

Гордаго змѣя, на нѣбо положившаго уста́ и зѣмлю потребѣти хва́лящагося, / сла́вный князь Константи́н, святы́м Крещѣнием посрамѣв, / ве́ру утверди́ и це́ркви воздви́же в сла́ву Христа́ Бо́га на́шего.

Сла́ва, и ны́не, прáздника и́ли Богоро́дичен:

Безневѣстная Чѣстая Богоро́дице Дѣво, едина́ ве́рных Предста́тельница и покрóве, / бед, и скорбе́й, и лóтых обстоя́ний вся изба́ви, / на Тя упова́ние, Отрокови́це, иму́щия, / и ду́ши на́ша спаси́ Божѣственными моли́твами Твоими́.

По полиеле́и седа́лен, глас 2.

Подóбен: Божѣственныя ве́ры:

Днесь А́нгели Бо́жии ра́дуются на Небесе́х, / в пресве́тлую па́мь твою́, кня́же Константи́не сла́вне: / спасл бо еси́ от всякаго лука́вствия и жертв дѣмонских град и лю́ди. / И ны́не моли́ с ча́ды Христа́ Бо́га дарова́ти нам ве́лию ми́лость.

Сла́ва, и ны́не, Богоро́дичен:

Ра́дуйся, Дѣво Ма́ти, / горó святая́, еде́мский раю́, / из Нея́же роди́ся Христóс Бог, Безсе́менное Сло́во, / Имже жизнь ми́рови прозябе́.

Степе́нна, 1-й антифо́н 4-го гла́са. Прокі́мен: Во всю зѣмлю изы́де веща́ние их / и в концы́ вселе́нныя глаго́лы их. Стих: Небеса́ пове́дают сла́ву Бо́жию: Ева́нгелие от Ио́анна, зача́ло 36.

По 50-м псалме́ стихи́ра, глас 6:

Ве́тхую прѣлесть бесо́вскую прогна́в, / я́ко Христóв уго́дник, / и, обновѣв, просвети́л еси́ всех нас святы́м Крещѣнием, / царю́ Константи́ну и кня́зю Влади́миру поревновáв. / Сего́ ра́ди немóлчно вопие́м ти си́це: / ра́дуйся, кня́же Константи́не пресла́вне Му́ромский, / израсти́вый нам две о́трасли пречѣстны, / кня́зя Михаѣла и кня́зя Феодо́ра, / с ними́же моли́ся ны́не Христу́ Бо́гу / о душа́х на́ших.

Канон, творение господина монаха Михайла Новаго, глас 4.

Песнь 1

Ирмос: *Воспою Тебе, Господи Боже мой, / яко извел еси люди из работы египетския, / покрыл же еси колесницы фараоновы и силу.*

Воспою Ти, Господи Боже мой, песнь духовную, / славя князя Константи́на Му́ромскаго с чады, / Михайлом и Феодором вкупе.

Иже даруя семена сеющему, Ты мне даруй благодати разум, / и, разрешив союз языка, обновля мя, Спасе, / к славословию блаженных Твоих.

Избрал еси Владыка Своему стаду Христос кроткаго царя Израилю: / Тойже и тебе избрал еси, вернаго князя новому Израилю.

Богородичен: Невестник световиден показася, чрево Твое, Отроковице, / за милосердие из Тебе Воплощшагося / и всех Богоразумия зарею просветившаго.

Песнь 3

Ирмос: *Лук сильных изнеможе, / и немощствующии препоясашася силою, / сего ради утвердися в Господе сердце мое.*

Приидите, целомудрия рачители, честную троицу почтим, / Михайла и Феодора, с Константи́ном вкупе, / Святую Троицу возлюбившия чистым сердцем и душею совершенною.

От корене честна израстше, славнии, братия благороднии, Михайле и Феодоре, / помолитесь со отцем вашим, князем Константи́ном, Христу́ Богу / о творящих память вашу.

Приидите, новокрещеннии Российстии собори, / целуйте любезно честную раку блаженнаго Константи́на князя, / перваго просветителя преславнаго града Му́рома.

Богородичен: Тя Предстательницу тверду, Богородительнице, стяжахом, / и, упование на Тя возложше, спасаемся, / и, к Тебе прибегающе, ограждаемся.

Седален, глас 2

Подобен: Величия Твоя:

Спасая прежде Господь Израиля от работы, / Тойже и ныне рукою князя Константи́на с чады /

всех нас от прѣлести идольския избáви. / Тѣмже, молящеся, вопиѣм к ним сице: / моли́те, блаже́ннии, спасти́ся нам.

Сла́ва, и ны́не, Богоро́дичен:

Ма́ти Свята́я Неизрече́ннаго Све́та, / а́нгельски-ми Тя пѣсньми почита́юще, благоче́стно велича́ем.

Песнь 4

Ирмо́с: Услы́шах сла́вное смотре́ние Твое́, Христе́ Бо́же, / я́ко роди́лся еси́ от Де́вы, / да от ле́сти избáвиши зову́щия: / сла́ва си́ле Твое́й, Го́споди.

Еле́ны ты но́выя, и Константи́на правове́рнаго, / и Влади́мира прехва́льнаго вожделе́в добродете́ли, / Константи́не кня́же досточу́дне, ны́не зове́ши с ча́ды твои́ми: / сла́ва си́ле Твое́й, Го́споди.

Лю́то двизáшеся льсте́ц христиа́ны воева́ти, / превели́кий же Го́спо́дь показа́ тя сла́вна святы́м Креще́нием: / тобо́ю бо оте́чество твоё просвети́в-ся от Него́, / Иже тебѣ Ца́рство Своё подаде́.

Всеу́сердно послѣдуя оте́ческим стопа́м, / ревни́теля иму́ща до́брому, Миха́йле сла́вне, Феодо́ра, при́снаго брата́ твоего́: / благоче́стием бо совоку́плени душа́ми и телесы́ яви́стеся.

Богоро́дичен: Воплоще́нна Тя, Го́споди, от Неискусобра́чныя Отрокови́цы возжелѣвше, / в воню́ ми́ра Твоего́ потеко́ша оте́ц с ча́ды, / Твои́м снеда́еми Божѣственны́м любле́нием.

Песнь 5

Ирмо́с: От све́та пресеки́й перворо́дный свет, / я́ко во све́те дела́ пою́т Тя, Христе́, Содѣтеля, / во све́те Твоём пути́ на́ша напра́ви.

От безбо́жных и́дол вся избáвил еси́ / и ко Христу́ Бо́гу привѣл еси́, о́тче, / ве́рныя кня́зи, ча́да твоя, Миха́йла и Феодо́ра, / и вся лю́ди но́выя гра́да Му́рома, Константи́не.

Я́ко отца́ благоче́стива любóвию связа́ни и того́ любя́ще благоче́стно, / све́тлостию в ва́шем оте́чествии сия́ете, я́ко со́лнце, / Миха́йле вку́пе и Феодо́ре.

Константи́н ты но́вый яви́лся еси́, Влади́миру подо́бся, / извести́лся еси́ вселѣнней: / от всех бо

родовъ ты Бог избравъ прежде векъ в послѣднiя дни, княже.

Богородичен: Ты оружье непобѣдимое на враги предлагаемъ, / Ты, основанiе и надежду нашего спасенiя, Богоневѣстная, имамы.

Песнь 6

Ирмос: Внегда скорбѣти ми, / возопихъ ко Господу, / и услыша мя Бог спасенiя моего.

Царю вѣчному нынѣ ты предстоиши, княже Константину, / десницею Его венчанъ еси, / помолися Ему за ны, недостойныя.

Юношески храбровавше, мужески прелесть возненавидесте мрачныхъ идоловъ, / отче наказанiе приимше, веселитесь нынѣ.

Константинъ князь пет да будетъ с Михайломъ славнымъ и с Феодоромъ чуднымъ: / явившася бо просветители и хранители граду нашему.

Богородичен: Всю Тя, голубицу предобру, / и свѣтелъ крин, обретъ, и удольный цвѣтъ, о Богомати, / Женихъ мысленный в Тя вселися.

Кондакъ, глас 8

Подобенъ: Вбранной:

Изрядному воеводѣ и правовѣрному князю Константину с сынома его вкупе / отечество его, хваляся, вопиетъ, / имѣющее его начальника и заступника, / яко избавльшееся имъ от прелести и скверны идольския. / Сего ради вопиѣмъ ему сiце: / радуйся, княже Константину преблаженне.

Икос:

Ангелъ, плотию одѣянъ, на земли явился, / посланъ от Бога уготовать Божественный правый путь, / иже соверши силою Господнею. / Дивляхуся бо и рادовахуся Небеснии чинове / и вопияху с земными сiце: / радуйся, егѣже ради вера Господня провозсия. / Радуйся, правыя веры укрѣпителю. / Радуйся, беззаконныя лѣсти потребителю. / Радуйся, высотѣ добродѣтели, до Небесѣ досягающая. / Радуйся, познавый Святую Богородицу Марию. / Радуйся, яко еси вернымъ князь. / Радуйся, милостынею Бога одолживый. / Радуйся, свеще, тьму

просвещающая. / Рáдуйся, со́лнце, осуша́юще не-
ве́рие. / Рáдуйся, я́ко, тобо́ю наставля́еми, покла-
на́емся своему́ Творцу́. / Рáдуйся, кня́же Констан-
ти́не преблаже́нне.

Песнь 7

Ирмо́с: *Авраа́мстии иногда́ в Вавило́не о́троцы /
пещный пла́мень попра́ша, пёсньми взыва́юще: /
оте́ц на́ших Бо́же, благослове́н еси́.*

Я́сныя звёзды, на твёрди небёсней водрузи́вше-
ся, / Трои́цы равночи́сленнии, / князь Константи́н
с ча́ды, зе́млю чудесы́ нелёстно просвещают.

Я́ко но́вая ветвь ко́рене богонаса́ждённа, князь
Константи́н но́вый Влади́мир яви́ся: / я́коже бо он,
израсти́ две о́трасли, Рома́на и Дави́да, / сей
же — Миха́ила и Феодо́ра.

Пресла́вно просла́вился Бо́жия благода́ть самооб-
ра́тнею любóвию Миха́ила и Феодо́ра, / я́ко и по
сме́рти неразлу́чни бёху, / но и ду́ши и телеса́
вкúпе иму́ща, лежа́т.

Богоро́дичен: *Преукра́шена Бо́жиею сла́вою
яви́лася еси́, Чи́стая, еди́на от ве́ка, / Сло́во Бо́жие
приёмши, Де́во Ма́ти. / Те́мже благослове́нна Ты в
жена́х, Пренепоро́чная Влады́чице.*

Песнь 8

Ирмо́с: *Во о́бразе А́нгела, / я́вльшагося в пещи́
о́гненной песносло́вцем, / Христа́ Бо́га по́йте, о́тро-
цы, / священни́цы, благослови́те, / лю́дие, превоз-
носи́те во вся ве́ки.*

Разу́мно жити́е соверша́я, / ца́рским венце́м от
ю́ности укра́шен, всесла́вный кня́же Константи́-
не, / ве́лия сла́ва еси́ своему́ оте́честву и похвала́.

Со́лнца светле́йши яви́ся па́мять ва́ша, блаже́н-
нии, / блиста́ющи благода́тию Свята́го Ду́ха, / вас
пою́щих, Миха́иле и Феодо́ре, со отце́м Константи́-
ном вкúпе.

На земли́ у́бо положéни бы́сте, я́ко ме́ртви, / но
на Небеси́ ликовству́ете со А́нгелы, / вели́ких
даро́в от Христа́ сподо́бльшися, ду́хи нечи́стыя и
болёзни прогони́ти.

Богоро́дичен: *Изба́ви страсте́й душепа́губных /
и плени́цы прегрешéний расто́ргни, и́миже сопле-*

тохомся: / вси бо, согрѣшшии, очищѣния прѡсим, / подати, Богородице, мольба́ми Тво́ими свобѡду.

Песнь 9

Ирмос: Рождество Твое нетлѣнно явися: / Бог из боку Твоею пройде, / яко плотносец явися на земли / и с человеки поживе. / Тя, Богородице, тем вси величаем.

Ли́цы люде́й российских предсто́ят ти ны́не, моля́щися приле́жно, / кня́же Константине премудре, помолі́ся о всех нас Вседержителю Бо́гу, / в Трѡице Того́ велича́ющих.

Сы́нове Россі́йстии, прииді́те, стецѣ́мся к пречестне́й цѣркви но́вых чудотворцев, / кня́зя Константина, уго́дника Христо́ва, и сыно́в его́, Миха́йла и Феодора, / и похва́льными пѣсньми сих возвели́чите.

Возше́д ны́не, к Немуже́ возжелѣ́л еси́, / очисти́в лю́ди тво́я от идолослужѣ́ния и просвети́в святы́м Крещѣ́нием, / хваля́ся, поѣши, кня́же Константине, с ча́ды, си́це глаго́ля: / се аз, Го́споди, и де́ти моя́.

Богородичен: Плото́ю приити́ восхотѣ́в, украси́вый сло́вом вся, / и Тя, еди́ну Святе́йшу всех обрѣ́т, Богороди́цу показá истинную, Ма́ти Де́во, / Егѡ́же с Тобо́ю вси велича́ем.

Свети́лен

Подобен: Посетил ны есть:

Прииді́те, вси ве́рнии, похвала́ми, соше́дшеся, / возвели́чим кня́зя Константина́ с Миха́йлом и Феодо́ром. / Си́и бо яви́шася Трѡи́цы равночи́сленнии и А́нгелом ссе́льницы, / с ни́миже мо́лятся ны́не Ей о душа́х на́ших.

На хвалі́тех стихи́ры на 4, глас 6.

Подобен: Всю отложивше:

Крест, яко ору́жие, держа́вно рука́ма нося́, / ве́ру, яко щит, наде́жду, яко броня́, / любѡвь, яко лук, воору́жился еси́ на прѣлесть му́жески / и вся лю́ди тво́я научи́л еси́ / покланя́тися еди́ному Бо́гу в Трѡице. / Емуже́ со дерзнове́нием, кня́же Константине́ с ча́ды, / моли́ся о душа́х на́ших.

Бога́тство оста́вльше земно́е, / оте́ческому послѣдова́сте благоче́стию, / Миха́йле блаже́нне с Фе-

одором славным, / и, славу тлеющую нивочтоже
вменивше, / Вѣшняго наследія сподобистесь, / и
тамо со Ангелы предстоите Святѣй Троице: / Ейже
со дерзновѣнием молитеся о душахъ нашихъ.

Апостоломъ единоревнителя, / сего князя Кон-
стантина прехвальнаго, / отца и учителя града
Мурома, / сошедшеся, восхвалимъ, / от тьмы к свету
приблизившеся, / очи и сердца очистивше, / па-
мять его воспоемъ, / обретше того с чады / правове-
рна вожда в Царство Небесное.

Слава, глас 6:

Радостно вси празднующе днесь память блажен-
ныхъ, / пѣсньми сихъ и хвалами прославимъ / и Спаса
Христа Бога возвеличимъ, / Иже на земли удивилъ сихъ
чудесы и цельбами преславными. / Къ нимъже взыва-
юще, сиче глаголемъ: / радуйтесь, блаженнии,
благодать от Бога приемше / вся страсти и болѣзни
исцеляти. / Радуйся, Константине чудне / с Миха-
иломъ славнымъ и Феодоромъ великимъ, / Христу Богу
молящеся избавитися намъ отъ врагъ видимыхъ и
невидимыхъ / и спастися душамъ нашимъ.

И ныне, Богородичен.

На Литургіи служба, писана царю Константину.

Святые блаженные князья
Константин и сыновья его Миха-
ил и Феодор Муромские жили в
XI—XII векахъ. Блаженный князь
Константин, потомокъ равноапосто-
льного князя Владимира, просилъ у
своего отца, князя Святослава Черни-
говского, дать ему в уделъ городъ
Муром, населенный язычниками,
чтобы просветить эту страну светомъ
христианской веры. Сына своего, Ми-
хаила, князь отправилъ к муромцамъ
в качестве своего посланца, но языч-
ники его убили. Когда князь Констан-
тинъ подошелъ к городу со своей дру-
жиной, жители смирились и приняли
его, но долго не соглашались оставить
язычество. Однажды они подступили
к дому князя с намерениемъ убить его,

но князь бесстрашно вышелъ к толпе с
иконой Муромской Богоматери. Не-
ожиданно бунтовщики смирились и
согласились принять святое Креще-
ние, которое и было совершено надъ
ними в реке Оке. На месте убиения
сына Михаила благоверный князь
Константинъ построилъ храмъ в честь
Благовещения, а позже и другую
церковь во имя святыхъ страстотер-
пцевъ Бориса и Глеба. В распростра-
нении Христовой веры среди муромцевъ
блаженному князю Константину
ревностно помогалъ его сынъ, князь
Феодоръ. В 1129 году князь Констан-
тинъ скончался и былъ погребенъ в
церкви Благовещения рядомъ с сы-
новьями, блаженными Михаиломъ и
Феодоромъ.



Преподобнаго Кассиана Угличскаго

Блажен муж: 1-й антифон. На Господи, возвах: стихиры на 8, праздника, аще есть, 3, и святаго 5, глас 6:

Мира мятѣж, и богатство, и славу, преподобне, оставив, / и, взем крест твой, последовал еси Христу / невозвратным помыслом, / и во обитель вселился еси, преподобне, / душевные страсти из корене исторгая, / и частыми бденими, молитвою и постом Богу благоугождал еси, / ангелов собеседниче и преподобных сожителю, / молися Господу, Кассиане преподобне, / помилуватися душам нашим.

Преподобне отче, / кто исповестъ труды твои и болезни? / Или кий языкъ изречетъ равноангельное твое житие, / бдение же и пощение, / чистоту душевную и телесную, / безмолвие и смирение нелицемерное, / кротость, незлобие и нищелюбие, / молитвы непрестанныя и память смертную? / Кассиане отче наш, моли спастися душам нашим.

Преподобне отче Кассиане, / ты светило великое и врач душевных и телесных недугов явился еси, / се бо любовью чтущимъ тя / исцеления неоскудно подаеши / и всю страну сию зарями чудес твоихъ просвещаети, / темже и мы, духовная чада твоя, / в светоносней памяти твоей радостно сошедшеся, / светло празднуем, / боголепную славу возсылающе прославльшему тя Господу, / Емуже за творящихъ память твою молися, преподобне.

Богомудре Кассиане, / ты смотрениемъ Божественнымъ направляемъ, / пустыни Угличския близ града Углича достигл еси, / и Духа Святаго чистый дом, блаженне, быв, / святые храмы Пречистой Богоматере / и Предтечи Иоанна тамо воздвигл еси, / и, обитель сотворивъ, монашествующихъ во спасение созва, / с ними же молися Христу Богу, Кассиане преподобне, / спастися душамъ нашим.

Яко в терпении многий и в злобе благодатлив, / в

житий твоём и по смёрти, óтче, показáлся еси помóщник, / всем, véрою к тебé приходящим, исцеления обильно подаёши: / хромým хождéние, слепým прозрénие, / и дýхи лукавыя прогоняеши, / тёмже пáмьятъ твоя слáвна и успéние со святýми, Кассиáне óтче наш, / пáмьятъ бо прáведнаго с похвалáми / и благословénие Господне на главé его.

Свётлый и всепразднственый день днесь возсия, / я́ко второ́е со́лнце, / вся празднолю́бных собо́ры просвещáя / и тьму отгоняя дрéвняго помрачénия врага́, / честная́ бо пáмьятъ твоя́, Кассиáне, óтче наш, / вселéнную созываетъ праздновати / к честнэй твоёй и чудотворней ра́це. / Мы же, со страхом и любóвию предстояще тебé, / прилэжно мо́лимся: / я́ко крóткому Дави́ду, во́инству нáшему / побéдное одолéние на сопротивныя враги́ даровáти проси́, / и мýрови умирéние, / и душáм нáшим вéлию мýлость.

Всечестная́ и чудотворная́ ра́ка, / идéже лежи́т пречестно́е и святóе тéло твоё, / Кассиáне, óтче наш, / исцеления́ неоскúдно подава́ет притека́ющим с véрою: / от беснýющихся человек отгониши бо дýхи лукавыя, в них живýщия, / гóрдия, и немýлостивыя, и непра́ведно лицемёрством зле живýщия на земли́ / во смирénие и покая́ние приводиши / и душетлénныя стра́сти исцеляеши, / мно́жества же бесóвская отража́еши. / Тёмже и мы, стада́ йнок, твоими́ чудесы́ удивля́еми, / радóстно от душí вопи́ем: / Богоблажéнне и преподóбне óтче наш Кассиáне, / моли́ Христа́ Бóга ущéдрити мир / и спасти́ дýши нáша.

Слáва, глас тойже:

Приидите, правослáвнии лю́дие / и мона́шествующих мно́жество днесь, / предстояще всечестно́му образу́ преподóбнаго отца́ нáшего Кассиáна, / благочестне восхва́лим его́ / и, радóстно воспева́юще, си́це рцем: / раду́йся, многосвётлый мона́шествующих светильниче; / раду́йся, болящих целителю; / раду́йся, тёплый наш заступниче; / раду́йся, похвалó гра́ду нáшему У́глечу и защищénие! / Óтче наш Кассиáне, моли́ Христа́ Бóга / о véрою и

любовию чтущих / всепразднственную память твою.

И ныне, праздника или Богородичен.

Вход. Прокимен дне, и чтения три.

Премудрости Соломоновы чтение (главы 5 и 6):

Праведницы во веки живут, и в Господе мзда их, / и попечение их у Вышняго. / Сего ради примут царствие благолепия / и венец доброты от руки Господни, / зане десницею покрывает я и мышцею защитит их. / Примет всеоружие рвение свое / и вооружит тварь в месть врагом. / Облечется в броня правды / и возложит шлем суд нелицемерен. / Примет щит непобедимый преподобие, / поострит же напрасный гнев во оружие, / споборет же с ним мир на безумныя. / Пойдут праволучныя стрелы молниины / и, яко от благокругла лука облаков, на намерение полетят, / и от каменометныя ярости исполнь падут грады. / Вознегодует на них вода морская, / реки же потопят я нагло. / Спротив станет им дух силы / и, яко вихор, развеет их, / и опустошит всю землю беззаконие, / и злодейство превратит престолы сильных. / Слышите убо, царие, и разумейте, / навикните, судий концев земли. / Внушите державии множества / и гордящися о народах язык, / яко дана есть от Господа держава вам / и сила от Вышняго.

Премудрости Соломоновы чтение (глава 3):

Праведных души в руке Божией, / и не прикоснется их мука. / Непщевани быша во очесех безумных умерети, / и вменися озлобление исход их, / и еже от нас шествие — сокрушение, / они же суть в мире. / Ибо пред лицом человеческим аще и муку примут, / упование их безсмертия исполнено. / И в мале наказани бывше, великими благодетельствовани будут, / яко Бог искуси я и обрете их достойны Себе. / Яко злато в горниле искуси их / и, яко всеплодие жертвенное, прият я. / И во время посещения их возсияют / и, яко искры по стевлюю, потекут. / Судят языком и обладают людми, / и воцарится Господь в них во веки. / Надлежащися Нань разумеют истину / и вернии в любви пребудут

Емú, / яко благодать и мѣлость в преподобных Егó / и посещѣние во избранных Егó.

Премудрости Соломоновы чтѣние (глава 4):

Праведник аще постигнет скончатися, в покои будет. / Старость бо честна не многолетна, / ниже в числѣ лет исчитается. / Седина же есть мудрость человеком, / и возраст старости житие нескверное. / Благоугоден Бóгови быв, возлюблен бысть / и живый посреде грешник прѣставлен бысть. / Восхищен бысть, да не злоба изменит разума егó / или лѣсть прельстит дýшу егó. / Рачѣние бо злобы помрачает добрая / и парѣние похоти пременяет ум незлобив. / Скончався вмале, исполни лета долга, / угодна бо бе Гóсподеви душа егó, / сегó ради потщася от среды лукавствия. / Людие же видевше и не разумевше, / ниже положше в помышлении таково, / яко благодать и мѣлость в преподобных Егó / и посещѣние во избранных Егó.

На литии стихиры, глас 2:

Егда ты от дальних страны к нам в Россію пришел еси, / преподобне отче Кассиане, / тогда ангелоподражательное иноческое житие возлюбив, / усердно взял иго Христово на рамо свое, / постническими труды и смирением Бóгу угодил еси / плоть свою дýху покоривый, / того ради предстояти Престолу Владычню на Небесех сподобился еси, / Егóже моли, блаженне, / о иже верою чтущих пречестную память твою.

Егда прѣставился еси от земных в Небесная, / отче преподобне Кассиане, / тогда дивный во святых Своих Бог, / исцелений благодать тебе дарова, / зубныя и очныя болѣзни, / огневицы же и долготельныя раны / и всякия расслабления врачевати / и от насилій бесовских страждущих избавляти / темже и радостно восхваляюще тя, / со умилением вопиѣм ко Гóсподу: / слава Прославляющему святыя Своя.

Всем прѣдстательствуеши, / преблаженне отче наш Кассиане, / притекающим к тебе с верою, / являеши бо ся в скорбех утѣшитель, / в болѣзнях

благодáтнѣй врач, / на путѣ спасѣния настáвник
богомúдрѣй, / о всех пред Гóсподем молѣтвенник
тѣплейшѣй. / Сего рáди, чтýще святýю пáмьятъ
твою, / к тебѣ я́ко отцý премилосѣрдому взывáем: /
моли о нас, преподóбне Кассиáне.

Глас 6: Приидите, празднолю́бцы, / приидите и
не замѣдлите, / примите, брáтие, драгáго дáра, /
лю́ющияся нам благодáти / от грóба преподóбнаго
отцá нáшего Кассиáна, / предивнаго и великаго в
чудесѣх. / Сошѣдшеся усѣрдно вси и вѣрно, / со
псалмы, и пѣсньми, и пѣньми духовными / в че-
стнѣй пáмьяти его́ со свѣтлостію торжествýем и
прослáвим ны́не / всечестно́е и равноáнгельное
житіе́ его́, глаголюще: / рáдуйся, о преподóбне
отче наш Кассиáне, / я́ко чисте Чистѣйшему Свѣту
совокуплься; / рáдуйся, я́ко Трóице предсто́иши со
Áнгелы; / рáдуйся, свѣтільниче многосвѣтльїй
иноком, / и всем христоименітым лю́дем, сýщим в
бедáх и скóрбех, / вели́кое, чудесное и нелóжное
заступлѣние / и спасѣние нам, грѣшным, / невѣди-
мым бо ходáтайством и предстáтельством своим ко
Владѣще / молишися о душáх нáших. / Дерзнове́-
ние имѣя ко Христý Бóгу, / и ны́не непрестáнно
моли́ся, / преподóбне отче наш Кассиáне, / настáв-
ниче наш вели́кий, угóдниче, учѣтелю и проповѣд-
ниче, / о чтýщих пáмьятъ твою / и почита́ющих
празднество твоѣ́ честно.

Притецѣ́те с вѣрою, вси приходя́щии лю́дие, /
исцелѣния прося́ще незавѣстно, / почерпѣ́те вино́
душевновеселя́щее, / всем бо нам от Христа́ благо-
дáть Бóжия неоскúдно подаѣ́тся, / да никто́же
усомнѣ́тся, / исполнь бо ны́не честнѣйшая чáша /
преблаже́ннаго и великаго отцá нáшего Касси-
áна, / изливáет всем приходя́щим даровáния, /
всегда́ подаѣ́тъ душáм и телесѣм нáшим здравіе и
исцелѣния, / многими и разлѣчными недúги вся́ки-
ми одержимым: / слепымъ челоуѣкомъ дарует зрѣ-
ніе, / хромымъ хождѣ́ние, / разсла́бленнымъ
поможѣ́ние / и зубомъ скóрый целѣ́тель, / и от
беснýющихся челоуѣк отгóнит дýхи лукавыя, в
них живýщия, / всем есть нам помощник и заступ-
ник, / сýщим в бедáх, и скóрбех, и болѣзнях скóрый
наш вели́кий предстáтель. / Пред мощми́ его́ со

стра́хом и ве́рою предсто́яще, / к нему́ мо́лимся
приле́жно: / моли́ся, преподо́бне о́тче наш Касси-
а́не, / спасти́ся душа́м на́шим.

Сла́ва, глас 3:

Днесь лику́ет град У́глич, / преподо́бне о́тче наш
Касси́а́не, / и вси лю́дие, тя чту́щи, о́браз твой
лобыза́ти подвиза́ются, / де́мони твоея́ благода́ти
трепе́щут, / и а́нгели о твоём заступле́нии ра́дуют-
ся. / Мы же непреста́нно вопие́м: / утверди́ твоими́
моли́твами правосла́вных ве́ру, / жити́е на́ше ис-
пра́ви, / и спасе́ние испроси́ душа́м на́шим.

**И ны́не, пра́здника, или́ Богоро́дичен, глас
то́йже:**

Богоро́дице, Ты еси́ предста́тельство всех, моля́-
щихся Тебе́, / о Тебе́ дерза́ем и Тобо́ю хва́лимся, / к
Тебе́ прибега́ем и Тебе́ мо́лимся: / моли́ся о спасе́-
нии душ на́ших.

На стихо́вне стихи́ры, глас 5:

Ра́дуйся, преподо́бне о́тче Касси́а́не, / Це́ркве
Росси́йския пресла́вное украше́ние, / гра́да Угле-
ча све́тлая похвало́, / пра́вья ве́ры и благоче́стия
сто́лпе непоколеби́мый, / от Бо́га прославля́емый и
чудотво́рец явля́емый, / ра́дуйся, засту́пниче наш
необори́мый и моли́твенниче пред Бо́гом, / Ему́же
вѣ́ну предсто́я со все́ми святы́ми, / моли́ся о
спасе́нии душ на́ших.

Стих: Честна́ пред Го́сподем / смерть преподо́б-
ных Его́.

Ра́дуйся, священна́я главо́, / ино́ков наста́вниче
богомудры́й, / Христа́ возлюбивы́й и и́го Его́
благое́ с ра́достью понесы́й, / Пречи́стую Богома́-
терь и Крестите́ля Господня́ Иоа́нна ви́дети сподо́-
бивы́йся, / ны́не же неизрече́нныя ра́дости Небе́с-
ныя наслажда́ясь, / моли́ся о нас, ве́рою творя́щих
па́мять твою́, / о́тче преподо́бне Касси́а́не.

Стих: Блаже́н муж, боя́йся Го́спода, / в за́поведех
Его́ восхо́щет зело́.

Ра́дуйся, всеблаже́нне о́тче Касси́а́не, / с бого-
мудры́м дру́гом твои́м преподо́бным Па́йсием! /
Внидо́сте бо в ра́дость пра́ведных, / восприе́млете
мзду трудо́в ва́ших от Влады́ки Христа́, / непобеди́-

мии Христовы воины, / монашествующих утверждение. / Имиже недужи наши и тлетворныя страсти исцеляются / и мы спасаемся. / Слава дивному во святых Своих Богу, / тех молитвами подающему верным велию милость.

Слава, глас 8:

Монахов лица и всех верных множество, / сошедшеся, ублажим преподобнаго отца, / светильника благодатнаго, плотоноснаго ангела, / и возопиим к нему, глаголюще: / отче Богоизбранне Кассиане, Владыку всех моли, / град Углич и всю Российскую страну / от глады и меча сохранить, / мир Церкви Своей даровати, / и спасти души наша.

И ныне, праздника или Богородичен.

На благословении хлебов тропарь святого, дважды, и Богородице Дево: единожды.

Тропарь святого, глас 4:

Днесь град Углич тобою хвалится, / в концех бо его пресветло, яко велие солнце, возсиял еси / и чудесы твоими вся озарил еси, / и ныне молися Господеви, / Кассиане преподобне, / за град Углич и обитель сию, / и всяк град, и страну, и люди, / иже верою тебе почитающия, / и о спасении душ наших.

Ин тропарь, глас тойже:

Днесь пресветло красуется славнейший Углич град, / церковь же Божия Матере вельми радуется, / имеючи многоцелебныя в себе мочи великаго чудотворца, / преподобнаго Кассиана, возсиявшаго от Рима, / якоже солнце, всему миру, издалеча просвещающаго верных сердца, / имже украси Бог церковь Матере Своея. / Темже ныне молим тя: / буди покровитель и заступник непобедимый / от всяких бед граду нашему / и всем верным хранилище, / притекающим в дом Божия Матере и кланяющимся тебе, / преподобне угличиче Христов Кассиане, / моли Христа Бога спастися душам нашим.

Ин тропарь, глас тойже:

Вѣтхаго Рѣма имѣя воспитаніе, / державу отечества своего, град Мангупский, оставль, / и нивоттоже вменил еси княжение / и славу маловременную суетнаго века Христа ради, / и паче земнаго богатства избрѣ богатство себе Небесное и славу вечную / возвысив ум свой к Богу, / и житіе свое со Ангелы вожделел еси воспріяти, / промышленіем Божественнаго разума направляемь, / и Богоспасаемаго Углича града достигл еси, / и близ в предѣлах области его, над Волгою рекою, в пустыню вселився, / и обитель преславному в честь Божіа Матере воздвигл еси, / и в ней тело свое предложив, яко дар освящен. / Тем молим тя, отче Кассиане, / моли Христа Бога, / да спасет души наша.

НА УТРЕНИ

На Бог Господь: тропарь праздника, дважды. Слава, святѣго. И ныне, праздника.

По 1-м стихословіи седален, глас 3:

Яко безплотен, отче Кассиане, пожил еси на земли / и превозносящагося врага смирил еси, / темже ныне с невещественными лики, блаженне, водворяяся, / тамо блаженства райскаго наслаждаешися. / Поминай память твою днесь празднующих, / да вси радостно воспеваем Христа Бога нашего, / давшаго тебе благодать исцелений.

Слава, глас 8.

Подобен: Премудрости:

Многим воздержаніем, преподобне, житіе украсив, / путь показал еси, ведущий в жизнь вечную, / добродетелью смиренія мира отверглся еси / и вся, яже в мире красная, преобидев, / ангельским житіем плоть свою изнуряя на земли, / гордаго змія воздержаніем умертвил еси. / Темже на Небесех водворяяся, Трисолнечному Божеству предстоя, преподобне Кассиане, / моли Христа Бога грехов оставленіе даровати / чтущим любовию святую память твою.

И ныне, праздника или Богородичен:

Покрѡв буди ми, и предстательство, / и заступлѣ-
ние, и похвала, Богородице Дѣво, / яко Ты еси
безпомощных сила неборимая / и надежда нена-
деемых.

По 2-м стихословии седален, глас 8:

Пустыни Учемския подвижника и за град Углич
теплаго молитвенника, / почтим преподобнаго
Кассиана / и, облобызая пречестный его образ,
рцем сиче: / Кассиане преславне, Христу Богу
молися, / оставления грехов даровати чтущим
любовию святую память твою.

Слава, глас тойже:

Подобен: Премудрости:

Красоты мира сего от младых ногтей, преподоб-
не, возненавидев, / единого Христа от сердца
возлюбил еси, / и Тому всею душою прилепись, и,
яко безплотен, на земли поживе с плотию, / славу
же и корысть мимотекущую нивчтоже вменив, /
Небесное богатство восприял еси и славу веч-
ную, / темже ублажаем святое твое усение и, в нем
торжествующе, вопием тебе: / моли Христа Бога
грехов оставление даровати / чтущим любовию
святую память твою.

И ныне, праздника или Богородичен:

Богорадованная Владычице, святителем удоб-
рение, / праведным утверждение и преподобным
всем похвало, / спаси ны от бед, и скорбей, и лютых
прегрешений, / верою воспевающая Тя.

По полиелѣи седален, глас 4:

Хваляще Имя Господне в Божественном Его
храме, / восхвалим купно и вернаго раба Его, /
преподобнаго отца нашего Кассиана, / иже прос-
лави Бога в души своей и телеси / и светом
добродетелей, яко звезда, просветися в земли
Угличстей. / Темже и Бог его в Небесном Царствии
прослави / и нам помощника показа, / присно
молящаяся о душах наших.

Сла́ва, глас 3.

Подобен: Красотѣ дѣвства:

Сою́зом любѣ привязáся Хри́стови, / земна́я и мимотеку́щая возненави́дев, Богому́дре, / пусты́нное озлоблѣние усѣрдно подьѣм, / бесовская́ же ополчѣния и их многоко́зненную си́лу посрамил еси́, / сегó рáди Подвигополо́жник Хри́стос дарова́нием чудес обогати́ тя, / тѣмже ты почита́ем, Касси́ане Богому́дре.

И ны́не, Богородичен:

О Тебѣ раду́ется, Благода́тная, всякая тварь, / а́нгельский собо́р и челове́ческий род, / освящен́ный хра́ме и раю́ словесный, / дѣвственна́я похва́ло, из Нея́ же Бог воплотис́я и Младене́ц бысть, / прѣжде век Сый́ Бог наш; / ложесна́ бо Твоя́ престолó сотвори́ / и чре́во Твое́ простран́нее небес содела́. / О Тебѣ раду́ется, Благода́тная, всякая тварь, / сла́ва Тебѣ.

Степѣнна, 1-й антифóн 4-го гласа. Прокíмен, глас 4: Честна́ пред Гóсподем / смерть преподóбных Егó. Стих: Чтo возда́м Гóсподеви о всех, я́же воздаде́ ми? Вся́кое дыха́ние: Евангелие от Матфе́я, зачáло 43.

По 50-м псалмѣ стихира, глас 6:

Всяк град и страна́, днесь сла́вному граду́ У́глечу сра́дуйтеся, / и, вси лю́дие, псаломски восплещ́ите рука́ми, / духо́вное торжество́ соверша́юще / преподóбнаго отца́ нашего́ Касси́ана, / и пѣсньми похвалите́ егó, всечестный́ сей день прáзднующе, / в весѣлии вопи́юще си́це: / приими́ пѣние чад твои́х, преблажен́не óтче, / и моля́щимся низпосли́ неоску́дно исцелѣние и вели́ю мýлость.

Канóн прáздника, áще есть, или́ парáклисис Богороди́це со ирмосóм на 6, и преподóбному два канóна на 8.

Канóн преподóбнаго Касси́ана, егóже краегрaнѣсие си́цевó: Касси́ана, а́нгела моего́ похвалити́, Бóже мой, дáруй ми. Глас 8.

Песнь 1

Ирмос: Колесни́цего́нителя́ фараóня погрузи́ / чудотвори́й иногдá / Моисѣ́йский жезл, крестооб-

разно поразив / и разделив море, / Израиля же беглеца, пешеходца спасе, / песнь Бóгови воспевающа.

Ангела земнаго и небеснаго человека, / Кассиана преподобнаго, Угличскую похвалу, / достойно воспети сердцем и устнама помози ми, Сólнце Правды, Христé, / презирая мой прегрешения.

Приими хваление от уст недостойных, тебе приносимое, / и воздаждь тёплыми твоими молитвами к Бóгу, / чтущим святую память твою, óтче наш Кассиáne.

Весь возложся Зиждителю своему, / и славу временную и богатство презрети желая, / к подвигом иноческаго жития устремился еси, Кассиáne преблаженне, / да жизнь вечную наследуеши.

Богорóдичен: Рáдуйся, благодáтный Источниче, рáдуйся, лéстнице и двéре Небесная, / рáдуйся, свéщнице, и стáмно золотáя, и горó несекóмая, / Яже Жизнодáвца Христа мiру родила еси.

Другий канóн преподóбному Кассиáну, глас 2, егóже краегранéсие сiце: Благодáть мне, Христé мой, дáруй.

Песнь 1

Ирмос: Грядите, лю́дие, / поим песнь Христú Бóгу, / раздельшему море и наставльшему лю́ди, / яже изведе из рабóты егiпетския, / яко прославися.

Просвещением Трисóлнечнаго Божества озарився, преподобне Кассиáne, / светильник явился нам, на земли сияя, / чудесы твоими просвещая верно притекающих к тебе, / светонóсную твою память чтущих.

Сóбость имёл еси чiсту к Бóгу и óко сердечное, преподобне Кассиáne, / взирая к Немú непрестáнно со слéзными течéнии и чáстными воздыхáнии, / тэмже Христóс внят молитве твоéй.

Весь Трóицы бысть жилище / и душевное желание Небесное возлюбил еси, преподобне óтче наш Кассиáne, / сегó рáди безсмéртную восприял еси пáмять / и жизнь нескончáемую сподóбился еси получи́ти.

Богорóдичен: Плóтию рóждши Безплóтнаго, Бо-

горо́дице Пречи́стая, / стра́сти лю́тыя ума́ утоли́,
 Де́во, / испра́ви мя, заблúждшаго, Ма́ти Бо́жия, я́ко
 да сла́влю Тя.

Катава́сия по уста́ву.

Песнь 3

Ирмо́с: Утвержде́й в нача́ле Небеса́ ра́зумом / и
 зе́млю на вода́х основа́вий, / на ка́мени мя, Христе́,
 за́поведей Твои́х утверди́, / я́ко несть свят, па́че
 Тебе́, Еди́не Человеколю́бче.

Дивно́ жити́е твоё, преблаже́нне Касси́ане, /
 стра́сти бо душетле́нныя успи́л еси́ бо́дренными
 бде́нии и поще́нии, / и был еси́ мона́х благоиску́-
 сен, цветы́й в добродете́лех.

Крото́стию и смире́нием послéдуя Влады́ще Хри-
 сту́, / всем был еси́ войсти́нну о́браз благоче́стия, /
 и, в преподо́бии и пра́вде пожив, вéчнаго блаже́н-
 ства наслажда́ешься, пресла́вне.

Тебе́ в чудесе́х сла́вна и свети́льника пресвётла
 показá Бог, Касси́ане преподо́бне, / и украси́ тя
 небесными́ дарова́ньми, / Того́ úбо моли́, поми́лова-
 ти всех нас.

Богородичен: Тебе́ вси христи́ане стяжа́хом,
 Пречи́стая Богома́ти, прибéжище и стéну / и Тебе́
 сла́вим немóлчно, Богоневéстная.

Ин

Ирмо́с: На ка́мени мя ве́ры утверди́в, / разшири́л
 еси́ уста́ моя́ на враги́ моя́, / возвесели́ бо ся дух
 мой, ввсегда́ пéти: / несть свят, я́коже Бог наш, / и
 несть пра́веден, па́че Тебе́, Го́споди.

Напо́лнив се́рдце твоё на земли́ мно́гими слéзны-
 ми пото́ки, / преподо́бне о́тче наш Касси́ане, /
 плодоно́сно показáл еси́ всяких добродете́лей, /
 изно́сяще чудес твои́х показание, / и ны́не пред-
 стои́ши со Ангелы́ Бо́гу, моля́ся непреста́нно.

Высо́тою смире́ния украша́емь, / свергн еси́ на
 зе́млю велехва́льнаго, Касси́ане, о́тче преблаже́н-
 не, / изря́дными де́лы свои́ми, постóм и моли́твами
 всенóщными предсто́я Бо́гу.

Исцелéния безчи́сленно источáет гроб твой,
 преблаже́нне о́тче наш Касси́ане, / с ве́рою прите-
 ка́ющим к тебе́ со стра́хом: / отгоня́еши болéзни от

человек и душевные и телесные врачуеши
страсти / похваляющих труды твои, всечестне.

Богородичен: Из ложесн Твоих возсия преславно
Великое Солнце, / Христос Бог, Богородице
Дева, / и, вся земныя концы просветив, / преподоб-
ных лики честно венчал есть.

Седален, глас 4:

Приспе всечестный твой праздник, преблажен-
не Кассиане, / просвещая всех, торжествующих
память твою светло / и Христа непрестанно песнь-
ми славящих.

Слава, и ныне, праздника, или Богородичен:

Многими прегрешеньми ум помрачен имущи, /
вопием ко Твоему крепкому заступлению, Богома-
ти Пречистая, / просвети очи наши душевные и
возсияй нам покаяния зарю, / молитвами угодника
Твоего, преподобнаго Кассиана, Едина Благосло-
венная.

Песнь 4

Ирмос: Ты моя крепость, Господи, / Ты моя и
сила, / Ты мой Бог, Ты мое радование, / не оставль
недра Отца / и нашу нищету посетив. / Тем с
пророком Аввакумом зову Ти: / силе Твоей слава,
Человеколюбче.

Царствия Небеснаго желая, преподобне, / и того
ради в слезах и воздыханиях, бдениих же и
молитвах твою жизнь препроводил еси, / и оттуда
приял еси желаемое тебе блаженство.

Воздержанием во плоти страсти чувственные
умертил еси, Кассиане блаженне, / и по успении
твоём страсти недужных разрешаеши, / и от
насилий бесовских страждущих избавляеши.

Чудесы многими яко звезда многосветлая проси-
ял еси, отче преподобне, / от зубных бо и очных
болезни исцеляеши, / и долголетныя раны и вся-
кия расслабления врачуеши.

Богородичен: На Тя упование мое возложих,
Мати Приснодево, спасения моего, / и Тя Предста-
тельница имю живота моего, / тверду же и
непоколебиму.

Ин

Ирмос: Пришел еси от Девы не ходатай, ни Ангел, / но Сам, Господи, воплощая, / и спасл еси всего мя, человека. / Тем зову Ти: слава силе Твоей, Господи.

Землю дольную прошед, соделал еси душу свою храм Святому Духу, / темже Небесную стяжал еси жизнь некончаемую, / со Безплотными лики смешався, кратких землю наследовал еси / во Царствии Небесном во вся веки.

Яко Христово смирение волею своею, преподобне отче наш Кассиане, стяжав, / Небесное Царство восприял еси, / бесовскую же гордыню, блаженне Кассиане, низложив, на землю поверже.

Яко солнце от востока, лучи своих чудес испущаеши, преподобне отче наш Кассиане, / и, ангельскому житию поревновав в житии своем / непрестанными твоими многими молитвами, просветил еси всю подсолнечную, / темже прославляеши.

Богородичен: Блажит Тя, Пречистая Богородице, / всяк возраст и всяка душа верных, / Божие бо Слово паче ума и слова родила еси, Препетая.

Песнь 5

Ирмос: Вскую мя отринул еси / от лица Твоего, Свете Незаходимый, / и покрывла мя есть чуждая тьма, окайнного, / но обрати мя и к свету заповедей Твоих / пути моя направи, молюся.

Всем, приходящим к тебе, был еси учитель истинный / и к Богородице великий молитвенник, / и ныне, преподобне, не преставай моляся о нас, / яко имеши дерзновение много.

Многое имея дерзновение к Богу, отче Кассиане, / многими ны, лютыми страстьми содержимыя, исцели, / якоже и расслабленного рукама и ногама мужа, прикоснувшись раце твоей исцелил еси, / и жену спасл еси, мучиму от лукаваго духа.

Сопутник житию моему буди, отче Кассиане, / молитвою твоею ограждай многомятежную мою душу, / и введи ю в Небесное Царство, твоими умиленными подвижи и чудесы, / Христу же покайныя приносящую слезы.

Богорóдичен: Тя стéну имúще, Богомáти Пречí-
стая, / и Твоím предстáтельством соблюдаéми, Тя
блажím, Приснодéво, / Ты бо душáм нáшим исто-
чаéши весéлие и рáдование.

Ин

Ирмóс: Свéта Подáтелю и векóв Твóрче, Гóспо-
ди, / во свéте Твои́х повелéний наста́ви нас: / рáзве
бо Тебé, инóго бóга не знаём.

Возсия́ в тебé Госпóдь, Егóже от душí возжелáл
есí, преподóбне óтче Кассиáне, / жили́ще своё
имéя в пустыни У́чме, близ гра́да У́глеча, лóбве
ра́ди Христóвы, / и Тогó сла́вы наслажда́ешься
ны́не в Небéсном Цáрствии непрестáнно.

Еди́ней Христóвей лóбви, преподóбне Касси-
áне, приложився в жити́й своём на земл́и, / Бóжиим
зáповедем потщáлся есí всею душéю прилежáти, /
тем прия́л есí благодáть изгоня́ти бéсы от бесну́-
ющихся человек.

Незлóбив и крóток был есí на земл́и, вся злóбы
вра́жия погубív, / и мíлостив до концá яв́ился есí
ко всем человекóм, óтче Кассиáне, / мíлость ду-
ше́вную стяжáв от еди́наго Бóга, / сегó ра́ди
благодáть и мíлость восприя́л есí й́стинную
спасéнную.

Богорóдичен: Воспóйте Гóсподеви, вся земл́я, / и
пóйте, вси, Явльшемуся из чрéва Дéвы Неискусоб-
ра́чныя неизречéнно и боголéпно / и Сию́ вёрным
показáвшему твёрдую наде́жду и похвалу́.

Песнь 6

Ирмóс: Оч́исти мя, Спа́се, / мно́га бо беззакóния
моя́, / и из глубины́ зол возведи́, молю́ся / к Тебé бо
возопи́х, и услы́ши мя, / Бóже спасéния моего́.

Твёрдое упováние на предстáтельство твоё воз-
лагаю́, преподóбне, и véрою молю́ся: / даждь ми
страстéй лóтых одолéние, и непрестáнную пáмять
смёртную, / и блажéнства грядúщаго вéка сердéч-
ное желáние.

Досточúдная и преслáвная пáмять твоя́, блажéн-
не Кассиáне, / возсия́ в земл́и Россíйстей и
ра́достно вёрных веселит собóр, / й́скренно ты в
пéснях слáвлящих.

Грехóв испóлнении вси есмь, / твоя́ же моли́т-

вы, преподобне Кассиане, яко кадило благовонно, ко Господеву восходят, / ныне молим тя: / волнуемое в земли нашей море мрачнаго раскола и злаго неверия изсуши / и спасение душам нашим от Господа испроси.

Богородичен: Ныне к Тебе прибегаем, Мати Пречистая, / спаси нас молитвами Твоими и соблюди: / елика бо хочещи; можещи, яко Мати Божия.

Ин

Ирмос: В бездне греховней валяясь, / неизследную милосердия Твоего призываю бездну: / от тли, Боже, мя возведи.

Силою Христовою укрепляемь, преподобне отче наш Кассиане, / вся коварства лукаваго врага низвергл еси, / и ныне безстрастия умом очищенным предстоиши Богу Вседержителю, / на Негоже все желание свое возложил еси.

Твоя, всеблаженне Кассиане, преподобныя и святыя мощи, / во гробе лежаще, недуги врачуют, / бесовския же полки отгоняют всегда от душ с верою приходящих к тебе, / всем бо подаеши неоскудная исцеления.

Божественных повелений, отче, нравы стяжав, / кротость, и незлобие, и смирение, / сего ради от Благодателя Бога богато дарование восприял еси, преподобне Кассиане, / исцелений же дары требующим от тебе и с верою приходящим подаеши: / слепым зрение, хромым хождение, разслабленным поможение и бесы одоляемым свобождение.

Богородичен: Душевные мои страсти, Дево, исцели, / Яже безстрастия бывши источник / Мати Божия, просвети Рождеством Твоим, преподобных молитвы приемля.

Кондак, глас 8:

Яко светозарная звезда, пришел еси от востока на запад, / оставль отечество и княжение твое Христа ради, / и в царствующий град Москву пришел еси, / и, промыслением Божественнаго разума направляемь, / Углича града достигл еси, / и, близ его, над Волгою рекою, в пустыни Учме вселився, / обитель сотворил еси, и церковь созда, /

и созва́ мона́хов во спасе́ние;/ с ни́миже моли́ о нас, чту́щих па́мять твою́, да зове́м ти:/ ра́дуйся, преподо́бне о́тче Кассиа́не.

И́кос:

Дар Бо́жий войсти́нну яви́лся еси́ земли́ У́чемстей/ и гра́ду нашему́ У́гличу, преподо́бне Кассиа́не,/ по́двигом бо до́брым до конца́ zde подвиза́лся еси́/ и, благода́ти Боже́ственныя сосу́д быв избра́нный,/ дарова́ния ве́лия прия́л еси́;/ те́мже и по преста́влении твоём со дерзнове́нием возде́еши преподо́бныя тво́я рúце,/ Го́сподеви те́пле моля́ся о всей стране́ Росси́йстей./ Сего́ ра́ди, с ве́рою и любо́вию к тебе́ притека́юще, вопие́м:/ ра́дуйся, Ду́ха Свята́го приятелище;/ ра́дуйся земны́й а́нгеле и Небе́сный челове́че./ Ра́дуйся, оте́чество твоё и род земны́й оста́вивый и в пусты́ни жи́ти изво́ливый;/ ра́дуйся, дре́во добродете́лей, при вода́х насажде́нное./ Ра́дуйся, я́ко плод принёсл еси́, благоцвету́щ вся́кия добродете́ли;/ ра́дуйся, притека́ющих к тебе́ спасе́ния ходата́й./ Ра́дуйся, я́ко исцеле́ний источа́еши реку́;/ ра́дуйся, я́ко стра́ждущих от бед избавля́еши./ Ра́дуйся, ино́ков исправле́ние;/ ра́дуйся, душ на́ших ра́дование./ Ра́дуйся, оте́честву на́шему похвала́ и утвержде́ние,/ его́же соблюди́ моли́твами тво́ими от враг ненаве́тно, да зове́м ти:/ ра́дуйся, преподо́бне о́тче Кассиа́не.

Песнь 7

Ирмо́с: Бо́жия снизхожде́ния/ огонь устыде́ся в Вавило́не иногда́./ Сего́ ра́ди о́троцы в пе́щи, ра́дованною ного́ю,/ я́ко во цве́тнице, ликую́ще, по́яху:/ благослове́н еси́, Бо́же оте́ц на́ших.

Хва́лится о тебе́, преподо́бне, град У́глич/ и у́чемстии лю́дие веселя́тся, име́юще мо́щи тво́я у себе́,/ я́ко до́браго гражда́нина, от Бо́га даннаго, и воспева́ют Христу́:/ благослове́н еси́, Бо́же оте́ц на́ших.

У Влады́ки Христа́ предсто́я в Вы́шнем Ца́рствии, Кассиа́не богому́дре,/ боле́знующих очима́ исцеля́еши,/ просвети́ ўбо и серде́чная очеса́ на́ша све́том богоразу́мия и научи́ Ему́ пе́ти:/

благословѣн еси, Бóже отецъ нашихъ.

Чудеса́ ўбо твоими, ꙗко цветъ процвѣл еси, преслáвне Кассиáне, / ꙗкоже рече проро́к: праведникъ, ꙗко фíникс, процвететъ. / Сего́ ради вси ты ны́не сла́вим, блаже́нне, и воспева́ем Христу́: / благословѣн еси, Бóже отецъ нашихъ.

Богорóдичен: Христа́ рóждши Влады́ку и Врача́ вся́ческих, Пречи́стая, / ранами грехóвными нас, уязвленнхъ и неисцѣльно болящихъ, / исцели́, Влады́чице, Твоими моли́твами, Сы́ну Твоему́ зову́щихъ: / благословѣн еси, Бóже отецъ нашихъ.

Ин

Ирмо́с: *Образу златóму, на по́ле Де́йре служи́му, / три́е Твои́ отро́цы небрего́ша безбо́жнаго велѣ́ния, / посреде́ же огня́ ввѣржени, ороша́ем, по́яху: / благословѣн еси́, Бóже отецъ нашихъ.*

Всехъ теку́щих и вре́менныхъ земныхъ страсте́й свободився, преподо́бне отче Кассиáне, / всю бо наде́жду стяжа́в к Бо́гу, / Егóже ради ны́не де́йствуеши, блаже́нне, преслáвная и мно́гая тво́я чудеса́, по́я: / отецъ нашихъ Бóже, благословѣн еси́.

Ору́жием моли́тв твои́х лука́выя победи́л еси́ полки́, / с Небесъ благода́ть прия́л еси́ исцеля́ти недуги́ и зу́бныя болѣзни / и прогоня́ти бѣсы отъ зыва́ющихъ ве́рно: / благословѣн Богъ отецъ нашихъ.

Плоть свою́ повинувъ Христóви, отче преподо́бне Кассиáне, / в воздержáнии вели́цемъ пожи́л еси́ в жити́и своемъ на землѣ, / в трудѣхъ и во бдѣ́ниях, прехва́льне, / имѣя предъ мило́стивымъ Бо́гомъ со́весть всегда́ чи́сту, / в Небесное Ца́рствие всели́лся еси́, воспева́я: / благословѣн Богъ отецъ нашихъ.

Богорóдичен: Ору́жие, вся храня́щее прѣжде врата́ еде́мская, / плещи́, Деви́це, всемъ да́ет, / низложившимъ врага́ губителя́ по́стническими бо́рени́и, / всегда́ зыва́ющимъ: благословѣн, Пречи́стая, Плодъ чре́ва Твоего́.

Песнь 8

Ирмо́с: *Седмери́цею пещь / халде́йский мучи́тель / богочестивымъ нейстовно разжже́, / сию́ же луч́шею спасены́, сия́ ви́дев, / Творцу́ и Изба́вителю вопия́ше: / отро́цы, благослови́те, /*

священницы, воспойте, / лю́дие, превозносите во вся ве́ки.

Светоно́сный твой пра́здник, преподо́бне Касси́áne, / исполняет ра́дости и весéлия духо́внаго, благоуха́ния же и просвещéния / тя имúщих застúпника и Бо́гу вопию́щих: / де́ти, благослови́те, священницы, воспойте, / лю́дие, превозносите во вся ве́ки.

Всем, под кров твой прибега́ющим, и тебе́ с ве́рою моля́щимся лю́дем, / бу́ди дарова́ний духо́вных пода́тель, телéсных же болéзней целíteль / и пред Го́сподем те́плый предста́тель, Касси́áne, / земли́ Угличския́ сла́во и украше́ние.

Имя твоё, преподо́бне Касси́áne, / я́ко ми́ро изли́нное, я́ко благоуха́ние ра́я Бо́жия, / по лицу́ земли́ на́шея обно́сится, усладя́я сердца́ ве́рующих / и призыва́я в ра́дости духо́вней воспева́ти Го́спода и превозно́сити Егó во ве́ки.

Богородичен: Не презри моле́ний раб Твои́х, Ма́ти Бо́жия, / приими́ воздыха́ния и слéзы сердéчных ра́ди уго́дника Твоегó, преподо́бнаго Касси́ána, / и принеси́ их ко Престо́лу Сы́на Твоегó и Бо́га, / да сла́вится препéтое Имя Егó во ве́ки.

Ин

Ирмо́с: *В* пещь о́гненную ко отроко́м евре́йским снизше́дшаго / и пла́мень в рóсу прелóжшаго Бо́га / пойте, дела́, я́ко Го́спода / и превозносите во вся ве́ки.

Мы́слию очище́нную, премúдре Касси́áne, к Бо́гу приближа́ясь / и всем всяк бысть, да Христа́ приобря́щещи, / моли́ Егó спасти́ вся, пою́щия тя, преподо́бне о́тче.

Слез мно́гих твои́х течéний ка́пли погаси́ша о́гнь грехо́вный, / ре́ку же чудéс показáл еси́ всем нам, преподо́бне Касси́áne, / вся́кия стра́сти потопля́ющую, притека́ющим к тебе́ ве́рно, прехва́льне о́тче.

Вéру и наде́жду неразорíму, и любóвь и́стинну имéяше, о́тче Касси́áne, / и Божéственное прилежа́ние Христо́вым словесéм, / и терпе́ние, и благоучéние смиренномúдренно, / сегó ра́ди соверше́нно сподо́бился еси́ получи́ти жизнь ве́чную, всехва́льне.

Богородичен: Спаси́ мя, Ма́ти Бо́жия, / спасе́ния нача́ло ми́рови я́вльшаяся, / избавля́ющи мя молвы́, и нечи́стых страсте́й, и вся́кия проти́вныя ско́рби, / да сла́влю Тя, Богоро́дице.

Песнь 9

Ирмо́с: Ужасе́ся о сем Не́бо, / и земли́ удиви́шася концы́, / я́ко Бог яви́ся челове́ком плóтски / и чре́во Твое́ бысть пространнейшее Небес. / Тем Тя, Богоро́дицу, / Ангелов и челове́к чинонача́лия велича́ют.

Земля́, иде́же лежи́т пречестно́е те́ло твое́, преподо́бне, / исто́чник явля́ется чуде́с и врачевáний, / и вси, тебе́ моля́щися, от вся́кия скве́рны и страсте́й избавля́ются.

Свя́тче Бо́жий, уго́днице Христо́в, ми́лости неисто́щимое сокро́вище, / при́зри на немо́щи моя́, исцели́ ду́шу мою́, страстьми́ зла обурева́емую, / исцели́ и те́ло мое́, немощи́ обложённое, / да просла́влю Христа́ Бо́га, дивна́го во святы́х Свои́х.

В Небесных оби́телях ра́дости неизрече́нныя наслажда́ясь, преподо́бне, / Влады́ку всех моли́ храм сей, и ве́си си́и, и град У́глеч, и всю страну́ на́шу в ми́ре сохра́нити / и вся ны спасти́, благоче́стно тя почита́ющия.

Богородичен: Уврачу́й, Пречи́стая, стра́сти се́рдца моего́, / ро́ждшая всех Царя́ и Бо́га, / и пра́ведных ча́сти яви́ мя прича́стна, Богоро́дице Де́во, / Христа́, Сы́на Твоего́, умоли́вши.

Ин

Ирмо́с: Безнача́льна Родите́ля Сын, Бог и Госпо́дь, / вопло́щся от Де́вы, нам яви́ся, / омраче́нная просвети́ти, собра́ти расточе́нная. / Тем Всепе́тую Богоро́дицу велича́ем.

Процвёл еси́ в подвизех свои́х по́стнических, прехва́льне Кассиáне, / я́ко шипо́к благово́нен и я́ко кедр благоухáнен, / ве́рных се́рдца облагоухáл еси́, / те́мже отжени́ ны́не стра́сти лю́тыя от се́рдца моего́, преподо́бне.

Отвёрзеса тебе́, о́тче, Небесное Ца́рство, / сконча́вшу тебе́ на земли́ до́брое своё течéние, / види́ши, я́же ви́дят Ангели, трудо́в твои́х возда-

яние приѣмля, / по́чести бо тебѣ Христосъ дарует, /
тѣмже ты, преподобне Кассиане, ублажаемъ.

Слез твоихъ многими тучами наполнися, греховный
огнь угасилъ еси, / Богу угодив, преподобне
Кассиане, / сокрушилъ еси бесовъ многия полки и
козни ихъ лукавыя, / тѣмже поклоняемся ныне
мощемъ твоимъ и вѣрно ублажаемъ ты, отче досто-
чудне.

Богородичен: Поощади, Господи, поощади, Мило-
стиве, / егда хощеши судити всемъ, / тогда не осуди
мене во огонь геенский, / ни яростию Своею обличи
мене, / молитъ Тя Дева Чистая, Ангеловъ собори и
преподобныхъ состави.

Светилен:

Светодавче Господи, / светильника земли нашей,
Кассиана преподобнаго молитвами / просвети нас,
вѣрою Тебѣ служащихъ / и благочестно праздну-
ющихъ светоносную того память.

Слава, и ныне, праздника или Богородичен:

Свеще таинственная, Богоневесто, / сущимъ во
тьме неразумия светомъ разума истины возсияй, / и
спаси всехъ, благочестно Тя, яко Матерь Божию,
величающихъ.

На хвалитехъ стихиръ на 4, глас 4:

Далъ еси во образъ намъ благоугождати Тебѣ,
Господи, / благого и вѣрнаго угодника Твоего,
преподобнаго Кассиана, / иже бодреннымъ трезвѣ-
ниемъ и многими подвигомъ / лютыя демоны посрами,
страстныя прилоги ихъ велемудренно отрази, / и
греху не бывше рабъ, Тебѣ благоугоденъ явися,
Иисусе Всесильне, Спасе душъ нашихъ.

Просияша подвижи твои въ земли Россійстей, /
отче Кассиане, / тѣмже ревнители благочестия во
граде Угличе тебѣ ублажаютъ, / и вѣси Ученския от
твоего жития преподобнаго поучаются, / сей же
храмъ твоею святою иконою украшается, / и вси
людие, имя твое призывающии, радости
исполняются / и ты прославльшаго Христа велича-
ютъ, / Спаса душъ нашихъ.

Днесь сошѣдшеся, христоименити людіе, / в прославление честнѣя пѣмѣти твоея, / преподобне отче наш Кассіане, / радости и весѣлія духовнаго исполняются, / явил бо ся еси болящим исцелѣние, / от бед и напѣстей защищѣние, / от всякаго искушѣнія и насильства діавола избавлѣние, / с верою и любовію к тебѣ притекающим.

Присный наш заступниче, теплыи о нас к Бѣгу молитвенниче, / благосерде отче наш Кассіане! / Помози нам молитвами твоими, / оградѣ Церковь Православную от навет суевѣрія и невѣрія, / сохрани отѣчество наше от врагов видимых и невидимых, / отгыми от нас всякую злобу, вражду и злословіе, / вкорени в сердцах наших мир, любовь и единопущіе, / во еже благоугодити Бѣгу / и спастися душам нашим.

Слава, глас 5:

Срадуитесь нам, россиястии собори, днесь, / в светлой пѣмѣти Богоноснаго отца нашего и чудотворца, / иже добрым житіем своим верно угодив Бѣгу, / и красотю монашеских добродетелей своих сияет, яко светило, / подая ему молящимся благоухание Святаго Духа. / Темже убо, сошѣдшеся, / общий лик тому составим, / пѣсньми божественными зовуще: / поминай нас, отче, и за ны Христу молися, / яко великий наш ходатай, Кассіане.

И ныне, праздника или Богородичен:

Блажим Тя, Богородице Дѣво, / и славим Тя, вернии, по долгу, / град непоколебимый, / стѣну неборимую, / твердую Предстательницу / и прибежище душам нашим.

НА ЛИТУРГІИ

Блаженны от канона, пѣсни 3-я и 6-я. Прокимен, глас 7: Честна пред Господем / смерть преподобных Его. **Стих:** Что воздам Господеву о всех, яже воздаде ми? **Апостол к Галатом, зачало 213. Евангелие от Матфея, зачало 43. Причѣстен:** В пѣмѣть вѣчную:

Молѣтва (Сѣи молѣтвы издрѣвле читались у грѣба преподѣбнаго).

О преподѣбне ѡтче наш Кассиане, великий подвижникче и угѣдникче Христов! Услыши нас, грѣшных, тебѣ верою и любовію призывающих, и вонми прошеніем нашим. Якоже ты отѣчество твоѣ и княженіе любве ради Божія оставил еси и от Россійскаго самодѣржца даѣмая тебѣ грады и веси не приял еси, да Вышнее нетлѣнное наследіе получиши, тако и нас, грехолѣбно в сѣетном мѣре сем странствующих, молѣтвами твоими к любви Божіей настави и обрати ум наш ко вниманію тѣхже Небесных почестей, да не прельщаемся тлѣнными сегѣ мѣра красѣтами. О блаженне ѡтче Кассиане, ты, великим воздержаніем и бденіем плоть твою дѣху покорив, сотворил еси ю чистый сосѣд Святаго Дѣха. Испроси и нам благодать сию, да, плотскія похоти поправше, духовно и богоугѣдно поживѣм в сие время, данное нам для приобрѣтенія вѣчных неизреченных сокровищ. О великий трудолюбче и угѣдникче Божій, яко имѣяи дар зубныя и ѡчныя болѣзни целити, огнѣвицы же и долголѣтныя раны, и всякія разслабленія врачевати, и от насильий бесѣвских страждущих избавляти, исцели ѡбо наша страсти душевныя и облегчи нестерпимыя болѣзни телесныя, от бед и напастей защити, избавляя нас от всякаго искушенія и насильства дѣаволя в жизни сей; в час же исхода душ наших предстани нам, великий заступникче, и, прогнав темнострашныя зраки лукавых духов, путевѣдствуй нас до превѣспренняго Престола величества Божія, да тамо, узрѣвше неизреченную славу Христа Бога нашего, возблагодарим тя, толикаго предстателя и заступника, и, с тобою купно соединяся ликом святых, согласно и единомѣшно чистою любовію воспоѣм и прославим Безначальную Единосущную и Нераздельную Троицу, Отца, и Сына, и Святаго Дѣха, ныне, и присно, и во веки веков. **Аминь.**

Ина молѣтва

О всесвятый, преподѣбный и Богоносный ѡтче наш Кассиане, угѣдникче преизрядный Христов, услыши нас, ныне молящихся тебѣ в час сей,

недостойных и многогрешных рабов твоих (имя рек), верою тя призывающих и молебное приносящих тебе пение. Тя ходатая на умоление ко Христу предлагаем: скоро Владыце Небесному предстани и преподобней своей руке молебне к Нему простри о нас, грешных, и от Него щедротство благодати подаждь нам и прими нас во свое заступление, от всех бед и зол избавляя, и от нашествия видимых и невидимых враг освобождая, и тех всех наветы и злохитрство борющих нас погубляя и отгоняя во всей жизни нашей, дондеже есмы в житий сем. Помози нам, грешным, в настоящем сем житий и в будущем веце, отче преподобне Кассиане, и прими со вздыханием от души и сердца моление тебе приносящих, надеемся бо на твою милость: не презри нас, грешных, требующих твоей помощи и заступления. Умоли Христа Бога даровати нам оставление всех наших грехов, елико согрешихом от юности нашея во всем житий нашем делом, словом, помышлением и всеми нашими чувствами, и во исходе душ наших помози нам, грешным: умоли Христа Бога, всея твари Содетеля, избавити нас воздушных мытарств и вечнаго мучения, и спасены ко Христу представи нас, и в век будущий Божественнаго Христова Царствия сподоби ны получитьи молитвами твоими, отче Кассиане, да всегда прославляем Отца, и Сына, и Святаго Духа и твое молитвенное предстательство, ныне, и присно, и во веки веков. **Аминь.**

Преподобный Кассиан Грек, Угличский чудотворец, в миру Константин, был потомком греческих князей Мангупских (Манукских). Он прибыл в Москву из Константинополя в 1478 году в составе посольства, сопровождавшего царевну Софию — невесту великого князя Московского Иоанна III Васильевича, которая доводилась племянницей греческим царям Иоанну и Константину Палеологам. На предложение остаться служить при великокняжеском московском дворе князь Константин ответил отказом, ибо суета придворной жизни тяготила его сердце, искавшее уединения и иноческого служения Богу. С разрешения великого

князя Иоанна III он отправился в Ростов Великий, где первое время находился при архиепископе Иоасафе (Оболенском). Когда же архипастырь решил оставить свою кафедру и поселиться в Ферапонтовом Белозерском монастыре, в котором принял ранее монашеский постриг, то князь Константин с радостью последовал за ним. Здесь греческий князь получил возможность для молитвенного уединения и жизни в богомыслии и чтении Священного Писания. Вскоре князь Константин был удостоен иноческого образа с наречением имени Кассиан.

Через некоторое время преподобный Кассиан отправился в удел Уг-

лического князя Андрея, с которым его связывала прежняя дружба. Путешествуя по Угличскому краю, он обнаружил живописное место на берегу Волги, неподалеку от впадения в нее реки Учмы. С разрешения князя Андрея он основал здесь иноческую обитель в честь Успения Пресвятой Богородицы. Вместе с несколькими монахами, пришедшими с ним из Ферапонтова монастыря, он построил в этом месте Успенский храм, положивший начало Учемской обители.

Впоследствии, во время сильного паводка, когда Волга вышла из берегов, храм получил значительные повреждения. Тогда преподобному Кассиану на помощь вновь пришел князь Угличский Андрей, с которым преподобного связывала уже не только личная дружба, но и узы духовного родства, ибо он был восприемником княжеского сына Димитрия. Монастырь с храмом были перенесены на другое место, неподалеку от прежнего, но более безопасное. Новый храм был освящен во имя святого пророка Иоанна Предтечи и стал приходским для близлежащих селений.

Преподобный Кассиан в течение долгого времени подвизался в основанной им обители. Преставился к Богу он в глубокой старости 2 октября 1504 года. Святые мощи его были погребены в том же монастыре. После своей блаженной кончины преподобный Кассиан был прославлен многочисленными чудесами, о чем свидетельствуют записи Угличской летописи. Служба преподобному Кассиану написана и передана в дар обители 17 мая 1686 года благочестивым сыном московского священника Михаилом Пименовым, о чем сообщается в рукописи, сохранившейся в Угличе.

Память преподобного Кассиана празднуется 2 октября — день представления, и 21 мая — день тезоименитства.

Литература

1. О святых, прославленных в Российской Церкви. СПб., 1862.
2. Преподобный Кассиан Грек, Угличский чудотворец, и основанная им Учемская пустынь. [Углич], 1905.

